

緯蕭草堂詩



10750

緯蕭草堂詩

商丘故宋地也宋之爲國襍見於春秋戰國策史記諸書而班氏獨稱宋自堯舜湯以來其人薰厚多君子猶有先王遺風訖今距宋有國時閱二千餘歲生其地者鉅公名儒大都以勲業道德相高尚而其次亦雄駿瑰璋文章風雅拔出不羣之才接踵而起後先相望與班氏言多君子者殊合故余夙昔師友率四方賢豪長者而所最厚善者必推宋中如牧仲先生其一已先生之次君山言胚胎前光濡染庭訓齒髮甫燥即有聞於中原數從先生宦游徧交南北知名之士相與磨礪討論爲

緯蕭草堂詩

序

詩歌古文詞不極其源不止始余在史館見之睢州湯先生潛菴座上丰采魁梧揖讓語言恂恂謙下而頗露爽邁磊落之概潛菴指而目之曰此善承牧仲家學者也顧余猶未知其工詩及得牧仲先生雙江集則山言詩附見其中所和彭蠡望匡廬一篇氣雄詞警下筆驚人余始爲之嘆服猶未知其他詩之悉工也自先生開省吾吳與山言相見署中盡讀其詩稿所謂緯蕭集者筆墨閎肆往往清麗雄偉備兼衆體間出新意愈奇而愈高古至於聯句之作用韻安貼使事變化尤類牧仲先

生乃知潛菴所指目者可信不誣也洵乎君子之
人君子之文哉昔孔子刪詩不列宋詩於十五國
之次或謂商頌即宋詩也以其王者之後故尊之
爲頌然而變風終於缺如使孔子復生今世倘得
見先生父子之所撰著其能不採而登之於風以
補其缺乎世之讀宋氏詩者亦知此否也康熙戊
辰五月辛巳堯峰老鈍汪琬茗文甫序

詩之爲理至微爲用至大於人至切而易能而於所以然多不得其解夫人之遇乎物也何故而不得不感感於心也何故而不得不言言何故而不得不長又何故而不得不應律諧聲源必有所發流必有所歸正也於何而正變也於何而變不此之求而但視爲贈答酬應之具宜其放焉者而流於淫泆拘焉者而失之固陋掇其華不過月露之色取其精亦祇衣冠之似苟詩如此而已先王當且禁防之慮爲人心之害而又肯用以教胄用以燕天格祖用以考國政而觀民風乎顧詩之情人而具而不人人而能者無他不學焉故也古人之學惟是節性陶情化其傲虐偏黨之質而復乎精純无妄之天故時而本其所自得言其所不容已而往往爲聖人之所取參於帝典王謨之間而無愧今之爲詩者其何學乎即日孳孳於學又庸愈於不學者乎古之學旣不講於世則有志者雖欲爲之而亦無從聞其方焉矣吾黨宋子山言有志於學而乃得淵源於家學之深其早以能詩名也不亦宜乎予少無父兄之承老不得學問之歸孤情自疑恒恐蹉跎於岐路而山言顧以詩問言

於予山言今中丞牧仲先生之子也中丞公執牛
耳於詩壇者三十餘年而山言庭趨膝侍暮命朝
提意無非四始六義之教而於所謂正變源流究
極而領會之當已無不熟矣予間以詩自怡亦不
過竊聞中丞公之緒論而予之言又能有所加乎
哉惟願山言益深其學益返而求古人之所以自
得者則山言當且不獨以詩名天下矣同里劉榛
山蔚甫序

緯蕭草堂詩目錄

卷一

古今體詩一百三十六首

卷二

古今體詩一百五十四首

卷三

古今體詩一百七十六首

緯蕭草堂詩

目錄

古今體詩一百三十六首

古今體詩一百五十四首

古今體詩一百七十六首

緯蕭草堂詩目錄

緯蕭草堂詩卷一

商丘宋 至山言

對菊

白露溥深逕黃花秀短籬園荒憑點綴秋老未離披冷色侵衣袂清香泛酒卮慙非陶處士也賦掇英詩

和田簣山先生新霽韻

新晴時有雪花飛小院沈沈轉夕暉攜酒每思尋白社攤書偏喜誦緇衣當簷冷蕊香初發過眼浮雲態已非此日梁園酬唱好憑君健筆掃寒威

緯蕭草堂詩

卷一

同介菴季父西湄對雪

風烈透烏巾霏霏下水濱甘蕉聲欲碎凍菊色偏勻漁艇依孤寺茶煙漾比鄰淒清吟望處感舊幾酸辛

簡葉碌菴外兄

春風駘蕩柳如絲搔臂空廊日暮時苦憶寒香亭子畔蕭蕭斑竹坐彈碁

送劉山蔚先生赴浙用東坡鄭州別子由馬

上賦寄韻

平臺東望何突兀南湖之南春草發鄒枚賦手不

復存梁園風雅空寂寞先生獨與古爲歡抗懷羞
被塵埃沒一夕脩理看山裝吟鞭高指探煙月海
雁橋頭張祖筵驪駒歌罷心悽惻小麥才青杏初
紅隄柳迎人殊飄忽去去正值艷陽天載酒西泠
還鼓瑟歸來應續董園詞

山翁刻有董園詞

山水文章君

之職

秋日野行口占

如雪紛開蕎麥花西風獵獵帽簷斜兒童指點前
村路一簇衰榆噪暮鴉

歲暮集亦蘇堂即席限韻

緯蕭草堂詩

卷一

二

遠道趨庭子雙江入望新銜杯酬勝地作賦擁嘉
賓籠鳥窺人靜簷蕉過雨頻離歌猶未發覽眺及
芳春

舟行即事

半篙寒水一帆風搖漾輕舟石峽中翠柏黃柑無
限好閒林啼徧白頭翁

舟過彭蠡望匡廬用林澹亭先生游懸空寺

韻

匡廬之山鎮南服峰如苞竹抽龍孫我來扁舟出
其下巍然勢壓鄱湖尊屏風九疊散層翠一一突

元驚心魂千巖萬壑競趨赴茲山屹立看崩奔螺
旋瓠剖望不極宵眇略辨山之門煙嵐斂盡雨初
霽匹練猶掛飛流痕獨有五老更奇絕嵯峨各向
晴空躡東林開先邈何許鐘聲恍聽來黃昏須臾
野燒起山半北燭碣石西崑崙鬕髯絳節會羣帝
定有白鹿隨飛軒吁嗟靈異幻今古紛紛俗子誰
堪論洞天咫尺渺難即愁吟徒使曾懷煩夜深風
急雲似墨蛟龍欲起湖波翻

遊石鐘山次晦山大師韻

已盡匡廬勝登臨更此峰湍飛穿釣石風急誤僧

緯蕭草堂詩

卷一

三

鐘過眼帆隨雁驚心樹化龍春波逾浩蕩極望一
開胃

躡遍尋山屐征颿喜暫留風傳深谷響聲入大江
流倚檻當斜日捫蘿憶舊遊坡公饒逸興長嘯滿
滄洲

野泊步家大人韻

荒陂朝雨過淺水浴明沙小泊隨漁舫微香送菜
花春深江勢潤鄉遠客愁賒矯首煙汀外峰高片
月斜

荻港避風步家大人韻

人家籬落散雞豚板子磯頭日已昏一簇雲沙明
菽港無邊雪浪走天門停橈野岸輕煙合吹角江
樓古戍存篷底瓦甌堪獨酌朦朧斜月照孤村

立秋次日有懷錢介維表士旦步介菴季父
韻

昨日傳秋信秋聲忽滿庭疎風才過雨一葉碧梧
零天宇疑生白苔痕看倍青所思都不見惆悵倚
窗櫺

西陂即事口占

東來雨脚射前村荷葉田田水氣昏約得溪翁投

緯蕭草堂詩

卷一

釣罷閒披風帽課鋤園

元宵飲邸舍即席有作用梅聖俞答吳長文
內翰遺石器八十八件韻

繫余遊京華蕭散等樵牧晨夕惟古歡析疑如剖
玉有得輒書紳聊以善是聶咄嗟薄劣資幸無墮
習俗竭來三月餘故人常在目款宴及良宵寒梅
插滿屋風清月炯炯街鼓擗未足興至忽同吟韻
險詩思酷澹薄西曹官

時家大人官
北部員外

樽酒猶冬蓄

酌罷復何爲一編還自錄

山遊前一夕喜謝方山先生送酒

春來花雨頻勞夢芒屨閒尋破旅愁却喜宣城真
好事一瓶羅酒餞山遊

西山道中

鶯花三月漾春暉杏子開殘桑葉肥廢寺尋來碑
半仆斷橋行處柳成圍抽芒小麥翻青浪掠水輕
鷗鬪素衣望裏諸峰圖畫好吟鞭早喜謝塵鞮

自玉泉至卧佛寺宿用東坡次正輔同游白

水山韻

太行迢遞橫天涯西山之麓堪爲家良辰選勝欣
就道擔登提榼隨牛車蒼崖邃洞恣搜剔裂帛湖

水漾日斜爾雅所載信非妄甘泉時降萬物嘉行
行爲詢耶律墓竚聞野寺演法華大師之墳繞榛
莽不封不樹憐鶯花委蛇一逕達山腹森森竹柏
相交加荒涼古剎起何代杪禪樹老人驚誇山櫻
欲熟鳥先啄新葉蔭砌紛枝榷殿宇無人帚掛壁
飛鼉樓竄屯煙霞須臾暝色冠林薄草根時復鳴
春蛙杯行到手一仰眺跣跌恰喜當山窪老僧導
余看卧佛諸天羅列肩相差村煙鬼火兩明滅微
聞巖溜濺溪沙雨墻題句勞屬和迷離醉眼如籠
紗四山明月靜萬籟玉盤却愛無纖瑕披襟殿角

匪獨樹行吟聲苦同咨嗟五華鐘磬下天際傾耳
未許岡巒遮夜來燿燈光耿耿香山可望知非遐
明朝跨馬躡險去蒼松夾路喧啼鴉

宿香山來青軒用施愚山先生蘇門山韻

初地跨山腹細路羊牛踐門荒匝春流剝啄人來
鮮捫蘿快夕游跣趺藉苔蘚土花蝕殘碣時代誰
能辨想像翠華留揮毫興不淺僧徒止余宿風
簾始一卷坐起揖纖阿酌酒西山巘覽眺企向禽
歌嘯緬嵇阮聊息登頓疲漸覺懷抱展夜闌風景
佳露下清法

緯蕭草堂詩

卷一

六

微雨由磴道上洪光寺步家大人韻

朝來野日昏微雨灑幽逕穿藤濕芒屨杖策破苔
磴松杉交上頭作意弄煙暝未窮佛閣奇已訝山
路勝小憇據石床狂叫發清興遙聞山鳥呼依稀
答僧磬

入門何闐寂樹古苔色鮮禮佛啟中殿屋老通青
天月鏡與雲旗羅照華座巔僧徒去已久竈冷無
炊煙飢烏下堦砌鬪鼠登几筵回望香山閣枯柏
鬱蒼然稍恨春游晚落盡榆莢錢

盧師山歌用東坡遊徑山韻

盧師結宇環青山，谷深崖迴如斜川。微雨才過景
色霽，短筇與我相周旋。桑乾故道蔽叢木，下瞰不
見蛟龍淵。羅雀童子來日暮，收拾媒翳當層巔。須
臾顧兔湧林樾，照耀佛座開青蓮。眼前洞壑盡詭
異，咫尺想見騰蛇蟠。蜿蜒繁余何事雜，塵迹到來忽復
思逃禪。夜深僧厨供麤飯，芼以礪蔬烝榆錢。青松
濤起聒兩耳，高枕直欲凌風眠。幽鳥棲定人跡絕，
仰面驚墮雙飛鳶。新詩怙屈愧韓孟，推敲字句心
熬煎。俯臨翠微不五里，此去沙路殊安便。香臺坐
久露華重，停杯四望天茫然。吁嗟盧師歸何處，手

緯蕭草堂詩

卷一

七

植短柏榮千年

同介維豐臺看芍藥遲梁藥亭蔣京少不至

用東坡定惠院寓居月夜偶出韻

昨日慈仁買花歸，插滿銅瓶香徹夜。今日豐臺賞
花來，鋪茵更坐芳叢下。溥溥朝露猶未晞，東風吹
過珠還瀉。珊瑚成堆玉作盤，殷紅膩白紛低亞。晴
郊士女如雲屯，野老孤亭容我借。南國美人悵望
遙，賦手空懷鮑與謝。適情無事張華筵，白酒黃雞
供村舍。側帽狂歌驚四鄰，醉來欲啖崑崙蔗。長安
貴游盡奢豪，雜沓謹叟猶夢怕。只應此地任棲遲，

手斧腰鎌遠詆罵

端陽夜侍家大人側用東坡與邁聯句韻

時將

歸南

別緒鬱滿懷格格不能吐尚喜佳節留艾葉看垂
戶登盤葦筍肥異味熏黃鼠雨餘月浪清照我東
西廡槐風時一吹單衣憐白紵引步階除前苔紋
破屐屨細咏坡公詩難追伯達武夫子曰勉旃眉
州騷雅祖

題友人寫照

膝上一張琴眼前都是水古調爲誰彈聲在空濛

緯蕭草堂詩

卷一

裏

丁香秋花

梧桐葉老碎涼颼檻外丁香乍放時應是芳魂猶
有恨秋來依舊結春思

夜夢京邸隨家大人介菴季文拈韻賦詩晨
起有作

數椽茅屋慊幽思風竹修修退食時殘札裝成籤

細署秘書收得架頻移歸來聊學逢年技夢去還

尋限字詩元宵曾限韻賦詩雛鳳聲清徒浪語狂吟端愧

阮家兒季父贈詩有清狂不愧阮家兒句

在平道中

黍風料峭柳初眠
匹馬長征三月天
滿路啼鶯新雨後
撩人景物又今年

南溪寺觀先大父文康公題詩恭步原韻

探幽過廢寺
野外遍蓬麻
活水當秋急
層城入望斜
桐花垂暮雨
蓮蕊泛僧茶
王父遺詩在
長吟泊釣艖

送徐勝之歸里

官舍分秋色
鄉思已黯然
那堪君又別
正復月將圓
去去蘇門路
勞勞潞水船
故山吟嘯罷
須念榻

緯蕭草堂詩

卷一

九

仍懸

秋夜偶成

澗灑繩河入望清
槐風梧月總關情
閒拋書卷匡床卧
乍聽官街打鼓聲

晚坐

西風騷屑客愁賒
小架開殘眉豆花
海上鴻歸雲乍斂
庭前蛩語月方華
人非宋玉誰堪賦
地近盧龍倍憶家
獨坐空階將進酒
蓼蓼衙鼓已三過

秋行海上步家大人韻

匹馬秋風裏
長征傍海涯
潮強侵蟹舍
日暖曬鹽

花極望漁舸小排空雁陣斜到來屯戍地懷切又聞笳

風柳溪橋路燒春駐馬沽颿檣隨暮集禾黍到秋

無濱海地社過餘巢燕村虛下海鳧客愁殊未已

攬轡日東趨

滄州鐵獅子

昔我見鉅鐘側卧玉泉路上載妙法經字句無遺
誤嘗謂古人愚成此抑何務今過渤海城覽眺得
奇遇鐵獅立秋風瞋目如震怒下馬經其傍畏縮
不敢顧首昂丈八餘舉足向南步豐背負寶盆仰

緯蕭菑堂詩

卷一

十

藉寒空露色古像亦奇那復同泥塑脣缺自何年
依然吼煙霧傳聞周世宗警蹕曾此駐冶人罹重
愆贖罪命鼓鑄兩剝前代銘誰其辨斯故 皇帝
神武姿干戚威遠布猛獸來西洋詔下廷臣賦嗟
予賤微人未獲目一寓茲行值高秋徘徊抵日暮
童僕競身便赤足登其跨直上據齒牙得無齧噬
懼四望起愁雲竄伏憐狐兔

月夜宿魚骨廟

魚骨何王廟寒潮檻外流帆懸孤島月角動戍城
秋小飲懷錢起謂介微吟對貫休天風吹不盡隻

鷺下空洲

早發

晨起登沙岡出沒黃雲裏殘月帶危旌寒煙橫野
水經秋山棗紅挹露崖菊紫何來清磬聲云是波

羅嘴寺

名寺

野意

白葦黃茅下雁行溪流曲注晚煙蒼於時最有田
家樂飽飯拖藤看打場

木瓜聯句

嘉果美中州碩大懸林木蕪檀香勝棠烝栗色媿

緯蕭草堂詩

卷一

十一

玉種處異東門摘日當西陸家大李生怪心空柰

似喜瓣簇數枚燕公袖五株華林曲介實成壓哀

梨花發值杏粥刪葉煩村翁綴枝駭園鹿至斗滂

誇赤萍卵或遺黃鵠蠻榼顛遜芳諫果品同肅家大

鹽山恨未登何賦快曾讀光怪金壘柯聲價珠

傾斛至曰瓜省鋤勞非棗惱鄰扑韻繼萬卉凋收

比五穀熟啄防大嘴烏蠹剔在桑蠅家大攀取得

團圞拂拭藉巾服至素商吹自幽青女飽更馥藥

物宣城良土賦杭湖足介裝疑海國珍權慮關門

酷家大郵遞競兼程秬載妙盈簾介聽鷗鄙一雙

耀車當二六懷橘自徒爾過江能化不家大濡澤

佛手慙氤氳僊掌出嶺南忘至持贈燦篚筐護惜眎

寒燠家大磊砢幽人喜饜餐穉子欲至盤盞位置

高橙柑娣奴屬雖謝霜柚圓頗笑凍芋縮家大種

憶黃臺分蔓匪朱陵續蜜脾潤詎乾砂斑點未浴

供訶緱氏埋削宜公輪督維介當俎菌蠢敲縈座霏

微獨家大冰骨傲雪霜膩色逞膏沐侑酌薰文窗

伴書媚朝旭至鼻觀趁靜便手弄戒迫促家大釀

酒和秫稌瘳疴薄參茨至豈惟呈陸離兼能已拳

蹙維介黠薦傍畫屏醉攬翻碁局釋名酢可餐御冬

緯蕭草堂詩 卷一 十一

旨偕蓄家大酸苦愁客心苞苴感末俗宛將梔蠟

搏那異鬱金築維介三復報琚篇相投莫碌碌家大

春望

鄉國連宵夢銜愁陟廢墟春寒猶作崇柳困未全

舒估客爭官渡溪翁拾野蔬淥波村舍畔應已動

耕鋤

上元前一夕口占

試燈風細動庭柯寂歷聞齋擁鼻哦爲報街頭過

羯鼓隔牆微聽唱秧歌

遵化練泉步先大父文康公原韻

我家祖父宦遊奇先後接踵來畿甸潞沙之東古
無終五峰峯峯當北面有泉活活傍城隈紅霞射
水水如茜文康舊迹餘雙亭翳以蒼松何葱蒨小
子從觀及暮春波光一望驚江練蘆荻風生客衣
涼木魚粥鼓聞禪院僧言是地盤烏龍蒲池亦在遵化
涓涓未足善當年詩版已無存殘碑猶勒中丞宴
泉上有宋中丞宴客處碑微雲澹沲起遙汀沙鳥迎人時一嘖
女墻高處紛野花迴飈吹落還片片人生只此足
幽棲鹿鹿徒使青山賤吾欲掉頭謝塵寰布襪棕
屨從茲遍好懷應亦鑒清流五嶽遊踪豈待錢

緯蕭草堂詩

卷一

十三

登五峰山絕頂

結伴尋幽勝看松逐鹿羣徐行緣石齒小憇破苔
文虎伏山陰雪人盤樹杪雲邊風春尚烈蕭瑟對
斜曛

過遵化湯泉

一脉泉流數里聞火龍蟠處氣氤氳聞來和就宮
人句却望春山葉葉雲泉有明武宗朝官人題詩

青溝訪拙菴上人

落日空山路高僧特地尋泉聲清俗耳鳥語印禪
心破衲辛勤補新詩自在吟結茅予有意早晚藉

砭鍼

遊盤山詩

飲聆盤龍奇未覲煙嵐秀却幸薊門過五峰得深
究碑兀插蒼穹目注雙睛脅羣山莽迴合各自効
奔奏卑者疑鴟蹲高者類甕覆維予淡蕩人山川
有姻媿頻年雜塵鞿如馬困閑廐茲喜饒餘閒兼
之當春晝蚤起理芒屨千像寺競先就村醪提滿
壺囊橐裹糒糗看山似讀書宜漸不宜驟稍覩層
巒改乍聽雌雉雉巨石何礪礪勢欲向人什是時
天尚寒杈柯崖骨瘦晾甲留荒跡琮瑟瀉清溜行

緯蕭草堂詩

卷一

四

經聊支筇手口快盥漱威紆達中盤紺宇名著舊
五松蔭講堂鳳舞蛟龍鬪科頭樹下眠花落黏衫
袖往者戊午歲警蹕來我后天藻劉豐碑山靈
時護祐登頓忘朝昏落日照井甃載陟淨業菴歡
呼躍童幼夾道拱栝柏果植亦綿茂但恨朔風高
不克樹橘柚到門啼幽禽便捷穿鼯鼯老衲出戶
迎項縮語誼諱妙法鑒楞迦奧義其誰透新月如
彎弓引弦未滿殼竚立向空階心已飛靈鷲藜莧
任飽餐適口等醇酎梵經誦有期木魚聞夜扣凌
晨踏天梯數里入雲竇撐拄憑櫛栗顛危賴匡救

遙睇長城雄延亘列斥埃初地聳層巔榱桷牢結
構俯臨烏鵲翻推窗羅星宿古塿貯佛牙拳大非
荒謬尋僧下青溝蘭蕙託香臭談詩據繩床眇彼
雲出岫旋覓舞劔臺攀藤學猿狖從簡此題名唐李
從大書還深鏤呼僕磨隄欲搨薜花繡晚憇叩
禪扉亂石疊前後更有天城寺名幽削壁驚奇觀屋
背兩方塘風過水文皺似茲陵谷佳應居匡廬右
作詩做南山字句媿疎陋四正多神僊靈異說秘
授鶴氅去復來粟粒視宇宙人生擬螻蛄無天亦
無壽願藉澤鉢泉滌我世俗疚駕言往從之散髮

緯蕭草堂詩

卷一

十五

遠謏詬此地足棲遲詎必訪勾漏

潞河喜晤陳十一幼孜李二約山即用留別

原韻

潞亭新柳拂征鞍四正峰迴取次看用拙只宜留
故國賣文也自走長安一犁小雨塵初潤二妙高
吟興未闌惆悵乍逢還乍別聲聲鷗鷺起遙灘

盤山拙上人以野蔬見寄依韻奉答

沙柳輕盈弄淺黃盤山二月好風光犬牙鵝管苗
穿土鼠耳牛脣翠落筐錦字裁成香共遠雲厨分
至味初嘗只綠蘭蕙同幽契費却青溝十日糧

春日讀周草窗絕妙好詞偶題

燕子翻飛弱不支
淡淹天氣養花時
風光瞥過如流水
却喜高吟絕妙詞

送家似齋兄歸里

楊柳參差恰覆廬
綠波村裏綠陰疎
輕舸小坐春風暖
好釣胎蝦孕子魚

柳巷杏花歌次朱竹垞先生韻

余也從識字終歲守一經
偃蹇三十餘野鶴凋修翎
南下雙江北榆塞年華瞥過如飛星
邇來客帝里結伴尋林垆
東風妙駘蕩吹我宿酒醒盤山

緯蕭草堂詩

卷一

六

雲起橫雨脚廉纖
小雨向夕零畦蔬
燦新綠剪掇煩園
丁威紆柳巷入佳勝
小麥翻浪何青青
杏萼初試雜紅白
已花未花渾娉婷
道傍輓轡汲深井
一木上下懸雙餅
辛勤灌溉走野老
聊避風雨雷茅亭
賞心只此不在遠
慶豐牖水聞冷泠
詩思忽動快迎刃
庖丁之刀新發
劘風光到眼慊
夙願布穀催種還
堪聽路上小兒競
導客插花滿帽來
鈴珥嗟我骨相宜
藪澤胡乃奔走勞
其形竚看鷗鳥殊
溶漾朝飛暮宿依
沙汀淥波村遙空
凝睇緯蕭却憶當
窗孺人生有志苦
難慰日居月諸無
時停

會須鼓棹下梁苑，藕花十里煙冥冥。

題商惟吉雪景用皮陸寒夜聯句韻

我本麋鹿性，山水興不缺。去年尋盤龍巖巖愛洞，
徹芒鞋信所經。縱目時擊節，卓哉商金吾。尺幅寫
清切，孤城遶岡巒。萬里惟積雪，茅屋八九間。炊煙
濕欲滅，老樹何杈枒。其上凍雲結，野岸艤空舟。溪
流如環玦，江山來座旁。對景心忽折，世無孟襄陽。
君初爲誰設

春日重過南溪寺觀先大父文康公題詩偶
成

緯蕭草堂詩

卷一

七

淡墨雲鱗卵，色天晴郊煙柳已。三眠尋春愛就南
溪寺，詩版閒吟又一年。

寄家似齋兄

小雨初晴逕草豐，關心春事宋城東。筆床茶竈篔
籬畔，消受薔薇一陣風。

官舍春深嘆索居，連宵歸夢不曾除。曉來急作相
思字，紙尾叮嚀曝蠹書。

賦得老樹空庭得步家大人韻

蕭條官舍似園林，短短簷牙古木侵。障日無邊誇
偃蓋，停雲有意結濃陰。清天露冷頻移酒，明月風

高一和琴忽憶西山題句夜杪櫛百尺夾堦心

題王黃麋先生嶺海集

羅浮山色逼天青幾載相思恨未經詩卷乍開心
一洗波濤萬里接南溟

嶺外奇禽是處多木棉盧橘更交柯風流輸與王
夫子落日空山取次哦

浴日亭邊海色深振衣長嘯慊幽尋廣州耆舊梁

鴻在

謂藥亭

椰酒香清好共斟

大雅于今屬二王星槎來往足相羊春風驛路題

應徧瘴雨蠻煙句子香

時阮亭先生亦奉使祭告南海

緯蕭草堂詩

卷一

十八

夏日雨中過河曲精舍有懷朱悔人步家大人韻

水漲集漁舫蒲荒細路遙看花綠卧柳覓句立敲
橋渚靜煙常護林昏雨未消老僧如病鶴沙岸喜
相邀

門匝漕河水禪堂竹樹清花香隨屐齒飽蔓絡松
棚僻地塵難到匡床夢易成掀髯東浦客吟望倍
含情

七夕後一日至永光僧舍與悔人閒話陳仲夔
夔晚過留飲是日立秋即以立秋日爲韻同

賦

曉來官閣清荷風扇秋入白袷迎新涼瓦甌啜茗
汗懷人面西岑空堦聊竚立我馬已夙芻吟鞭喜
蚤執去去達都亭驛路蟬響急素心東浦翁掀髯
呼晨汲開門見我來槐陰一高揖

僧舍環積水壞壁行蝸牛槐花漸簌簌竹枝亦修

修趺坐共茶話所言各千秋余吟新齋句時讀余
司農新

齊倡和詩君訂河曲遊梅人訂與藥亭石
虹為河曲詩會微雲卷日夕

過雨風颭颭披襟一仰望大火驚西流何當賦歸

去放鴨尋輕舟余家淶波村
有放鴨亭

緯蕭草堂詩

卷一

十九

陳子南國彥矯矯鸞鶴質哲人結同歡投贈無虛

日晚攜一卷來過予談聲律七夕有短章字句妙

比櫛仲夔出示
七夕絕句蔬筍分僧厨佐酒甘如蜜夜深風

物清露下露書帙握手送客歸屋角鳴蟋蟀

秋日偶吟介維白袷宜殘日黃柑薦早秋句

作絕句志懷

雨過空庭暑氣收籬根燠燠放牽牛懷人歎浦三

千里白袷黃柑正早秋介維時
容嶽縣

秋日懷淶波村寄呈家兄

西破煙水望悠悠十里荷花一葉舟野岸風迴翻

鴨脚澄塘兩足長
雞頭芒鞋竹杖無人管
濁酒清琴得自由
遙憶先生吟眺處
薛橋南畔逐輕鷗

秋夜同藥亭悔人賦

限鹽字韻

西村驅犢日手斧還腰鎌
短篔簹長笛經里社
黃雞白酒情慙慙
一自滯通潞奔走難
安恬曉來訪舊過
蕭寺塵鞅得謝如脫箝
南海先生頗好事
呼童置酒招朱頴
薄蔬亦自足
風味詎必珍
異誇重添吁
嗟世態盡巖嶮
言欲出口先言飭
高談雄辯豈易爾
吾輩正喜無猜嫌
小友如予獲把臂
得邀推許誠撝謙
朱穆實維通家好
梁鴻文采久仰瞻
邯鄲學步抱積願
文字疵謬煩針砭
人生聚會本非偶
况復勝引今相兼
夜深漏靜狂興發
長歌險韻爭分拈
醉墨淋漓意良快
直欲落筆窮霜縑
風迴佛閣響
庭樹空堦小雨何霖霖
三人欠伸一引望涼雲
葉葉低疎簾

持螯歌

今秋大涉平溝渠
潞河水勢連直沽
魚罾蝦罕張衝途
輪囷紫蟹常專車
作客經年誰歡娛
晨昏坐卧一卷書
雷殷雲重愁未舒
空齋偃仰時欹歔
歔口腹嗜慾難驅除
百錢取蟹三十餘
狼愷博帶行庖

厨臍分長團牝牡俱鹽椒烝之風味殊形體磊砢
堆盤盃六跪二教皆肥腴巨郭豐滿妙不枯肪白
直欲同碑磔殼紅更自媿珊瑚門煑酒如牛酥
酌以大斗何遽遽老饕一醉憑人扶解衣脫帽誠
樂且却憶設斲臨江湖燈光耿耿炯留菰蒲夜深水
靜來漁夫縱橫亂走嗟紛拏曉擔竹筐向賈區易
薪換米得自如昨聞梁苑水所都四野汪洋傾茅
廬此物應亦生鄉閭村童爭取當日晡故園兄弟
情非疎登高分賦相招呼霜螯在手酒累壺東阡
西陌尋茱萸我獨胡爲勞形軀一年十月長安居

律蕭草堂詩

卷一

三

急買扁舟歌歸與雙槩南下隨飛鳥

過李卓吾墓

卓吾爲通州馬
御史經綸收墓

歷落嶽寄可笑人亂餘石碣尚高蹲交情古道輕
如土御史而今也不泯

宋刻絲蟠奩圖聯句

短鎌結奇繪有蕢美嘉果

家大

纂組渾端倪點染

謝婀娜

至

藉機杼寫生堪禋祀伴赫青絲用引枝

縹色妙烘顛

家大

獨樹迴扶疎連蒂恐傾墮

至 幹

橫待胎禽葉蝕疑螺贏

家大

頰榴或等觀玉李未

足夥

至

海嶠貌來遙斗室懸處頗

家大

硯礪實一

雙掩映雲五朶至鳳梭意良工絞織筆非左家大

在藝得神明涉想極么麼至肖形儼吮粉申咏窮

炙輶家大細翫倍咄咄鷩見信可至憎俗錦段

拋畏偷房櫳鎖家大鵝溪遜爛熳顧繡笑纖瑣經

營實云勞位置亦殊妥至王母授恒珍徐熙技難

播涎從摩抄流摘欲襟袖裏家大宋代製何人潞

沙寶維我至精光騰卷軸壓倒米家舸家大

冬夜啜武巨小九曲與香茶

窗隙引朔風涼氣撲殘燭爐燒楮袖紅杯泛山茶

綠何處早梅開與香香味足却羨武巨遊九曲復

緯蕭草堂詩 卷一 十一

九曲

贈陳翼文

我愛陳夫子論交潞水濱一燈常共話三歲不嫌

貧肺病愁何劇詩情老倍親天涯同倦旅搔首又

青春

寄舍弟喜起

周家園子水之濱握手同遊記令辰香飯矜炊蓮

葉鼎濁醪爛醉甕頭春簷前疊石搯頤好檻外橫

橋引步頻約略歸來三月暮鶯花景物正撩人

將赴盤山作

清明已過穀雨前正是山寺飛花天老衲一紙期
攜手小童半夜促着鞭筆床硯匣蚤束縛繩鞵布
襪殊安便會須拄杖躡雲罩山巖寺名坐看春水流平
川

春日與湯西厓登觀音禪院妙香閣送其南
歸

傑閣登臨又一迴春風擺蕩小苑開遠山積雪疑
披練野水含煙欲染苔罨樹晴絲時斷續掠花嬌
燕故徘徊吾徒良會原非易莫唱驪駒莫放杯

買芍藥

緯蕭草堂詩

卷一

五

豐臺買芍藥猶帶豐臺雨插來滿屋香坐對及亭
午花多瓶半敲蕊密蜂偷取嗒然起鄉思隱几夢

竹圃

余家竹圃
多芍藥

題邊景昭竹鶴

初夏風物清妙畫懸雪屋二鶴立平坡旁翳三竿
竹一鶴閒梳翎一鶴自啄粟梳翎落其毛如雪復
如玉啄粟低其頸似伸還似縮竹枝各修修竹葉
亦簇簇始信寫生手神氣騰卷軸惜哉支道林不
克一注目

寄舍弟彥堅

轆轤飛檐面面風西湄亭榭水雲中他時孤棹相
尋處葦雨蘆煙下釣筒

途次感懷

午日魚山路停車對晚峰殘碑牛礪角野寺樹懸
鐘兩地親朋思三年南北蹤此情誰共語惆悵自
扶筇

牧牛兒

吾山牧牛兒吹角當平陸朝吹牛出欄暮吹牛歸
宿兩肩負雨蓑有鞭不事扑興來時一歌因風響
山谷

緯蕭草堂詩

卷一

十四

題友人書舍

羽扇繩床事事幽芭蕉初綠雨初收窗櫺拓處真
清絕日鑄茶烹白定甌

歲暮偶成寄呈家兄

瓶花尊酒迭爲朋棐几橫陳時一凭飯罷童閒收
甕雪春回日暖墜簷冰愁深好似離羣雁靜極還
同入定僧剩有來朝門帖在淋漓墨瀋興堪乘

郊遊觀放風箏

一線牽空任簸揚春郊幾處笑相將江南草綠初
晴候想像兒童作伴忙

先大父文康公江南曲有
春雨初晴原草綠羣兒戲

出放風
箏句

西湄燕集次碌菴外兄韻

西湄修褷快行卮少女顛狂促雨師槐老空亭枝
半舞鶴樓幽逕首低垂一灣煙色誰能畫滿眼風
光盡入詩太息溪雲佳句在先季父西湄詩有晴
雲低壓一溪春句
倚欄吟罷幾回思

王今貽以詩見懷依韻奉荅兼寄潞河諸君

子

小軒疎雨過端坐理桐君五字來新咏三春感暮
雲愁多聊曳杖句好且書裙通潞偕遊侶因風各

緯蕭草堂詩

卷一

三五

寄聞

大梁雨夜

霖霖旬日雨委巷絕行車碩果分鄰惠香醪許夜
賒寒侵蛩倦語風細燭生花廿載尸門道勞勞幾
自嗟

場事畢飲碌菴外兄寓齋次原韻

雁聲兩兩漏聲三却喜今宵謝負擔秋老苔痕渾
印碧雨晴天氣乍舒藍比鄰酒熟沽還貰險韻詩
成苦復甘最憶南湖僧舍畔黃花歷亂待幽探

秋日呈簣山山蔚兩先生

書堂清復清端居歛秋思涼颺時一過乾葉下蔭
荔瞻茲風日佳大業須勤肄奈何郡少年多不嗜
文字南陌復東阡飛蚊日日戲顧我薄劣資得毋
昏其智風雅者誰人田劉誠大帥願言與之游俗
韻藉針刺擘箋寫短章聊以申宿志

秋行感懷

郊原紛落葉行藥到村家紅遍懸林柿青餘枕地
瓜盈盈秋水淨瑟瑟晚風斜竚看南飛雁應無鍛
翮嗟

濟南雜詩

緯蕭草堂詩

卷一

五

小春十月嫩寒天結伴幽尋笑拍肩最愛齊州好
風景滿城山色漾流泉

湖光澹澹水沈沈坐向澄湖自在吟十里枯荷連
敗葦沙鷗一對點波心

如笠孤亭一水湄溪聲納納晚風吹濟南自古多
名士徙倚空堦有所思

雪後看山山倍青雲容水態亦娉婷興來不覺登
臨苦又到城隅北渚亭

信是名山見欲狂鵲華橋畔立斜陽高峰插處渾
明滅圖畫真勞趙子昂

趙有鵲華
秋色圖

歷下泉源趵突奇玉壺倒注自何時滿懷冰雪人
爭和愧我曾無七字詩松雪泉上作有時來泉上濯塵土冰雪滿懷清與孤

句屬和最多

白雪樓頭共往還杜康泉上快追攀世人好事無
如我數盡城南簇簇山

羣峰匝匝水泓涵載酒支筇次第探屈指溪山誰
似此濟南端不讓江南

立春前一夕錫山舟次同張博山聯句

船窗穩坐話鄉思言山風颭簾燈漾酒卮山似有情

銜月早博山水憐無力送春遲村中蝦菜憑人覓言山

緯蕭草堂詩

卷一

七

橋外園林共子期謂秦留仙太史別墅明發籤程搗鼓去博山

芙蓉湖畔更題詩言山

早發奔牛聯句

舟行如走馬日出過奔牛言山土鼓喧厓屋銀魚斫

柁樓博山凍消波更活風濫柳初柔言山好踐真交約

肩輿問石頭將訪方子瞻渌於白下博山

丹陽道中聯句

盡日松陰裏春風捲客衣言山醉貪山石枕健怕筇

輿飛博山卧犬驚人過疲牛荷耒歸言山擷鮮聊止渴

不必歎僧扉博山

向容道中聯句

翠竹黃泥路停鞭問酒家

山博

春衫猶怯冷山飯不

嫌沙

山言

澗響穿林水籬明帶雪花

山博

自憐麋鹿性

只合侶煙霞

山言

索墅

林屋平橋畔春晴叫竹雞繫船多插柳餉客牛豸
藜煙篆連茶社魚苗上稻畦村童先解事埽壁待
留題

早飯姊妹橋步家大人韻

春風拂拂客衣寒的歷山花取次看小艇衝煙過

緯蕭草堂詩

卷一

天

渡口雙鳩呼雨下林端田家酒熟忙開社村路泥
融倦倚鞍草具漫嫌滋味薄由來粗糲是吾餐

秣陵關避雨步家大人韻

秣陵古道竹松間石勢參差着步艱遶屋流澌爭
灑灑占沙浴鳥弄關關畊餘稚子驅黃犢雨過殘
陽掛碧山健筆喜看張籍在聯吟好把旅愁刪

夜聽吳歌口占

女兒夜半唱吳歌霜滿疎林月滿河柔櫓搖來復
搖去聲聲都向耳邊過

署左梅花盛開未及一賞悵然有作

行飯聊將背癢爬吟成了却淡生涯劇憐春事尋
常誤開過紅梅一樹花

由靈巖至玄墓看梅歸示張二博山

春色困人卧棐几聞說山游心輒喜茶具酒具載
出城小舟如梭雙槳駛瞥過木瀆趨靈巖夾路青
松連山趾篋輿直上未覺勞目極具區一勾耳吳
宮故蹟次第尋惟有美人呼不起回船飯罷日欲
斜飛颿遙入光福里兩岸春田類僧衣主伯亞旅
勤耘耔選勝尤愛鄧尉梅况雜緋莢與玉李少女
妬花太放狂暖香片片隨流水短筇扶到最高峰

緯蕭草堂詩

卷一

三九

漁洋晚翠浮中沚衰回處處足清幽掛一漏萬誰
能紀作歌爲訂張季鷹他日誅茆應共此

山遊回口占

濕雲如絮破輕雷小院陰陰踏碧苔怪底春衫香
不散纔從玄墓看梅來

橫塘西去問盤螭水曲人家花遶籬好景拾來忘
未得雀金磨墨寫新詩

送唐雲客歸烏程

之子苕溪秀投歡歷下亭襟期星落落詩句水泠
泠促席頻酬唱看山幾醉醒驪駒猶未發別淚已

雙零

秋鳥當貽我

雲客曾以秋鳥見許

山花好贈君遠離經歲月

小物志殷勤客路隨流水鄉心逐暮雲到家春尚早應待課畊耘

姑蘇楊柳枝詞和汪鈍菴先生

垂垂幾樹向通津送盡東西南北人最是三眠春意足打團晴雪點烏巾

嫩鶯乳燕共徘徊一片濃陰不放開願得長條牽作纜縮郎舡去縮郎回

花朝前一夕喜蔣京少見過同賦

緯蕭草堂詩

卷一

三

故人別我在辛酉我日思之如中酒今夕何夕見素心春雪搖空大于千簷花簌簌瓦雀喧薄寒促膝出敝帚余舊稿名對君詩卷意良慙高峰得毋嗤培塿麋鹿之脯陽羨茶攜來珍惠等瓊玖轟飲聊復縱清狂子其歌兮我擊缶云胡又理海虞裝離愁頓使腸迴九秋以爲期幸勿忘五湖煙水頻翹首

贈表士旦

去國幾何時儻忽及春仲陰霾日日增茵耳生梁棟兀坐結遐思靜聽文禽哢夫君鳩江來書篋攜儻從驚喜出戶迎握手渾疑夢話舊八載前修禊

誇章貢勝事良難忘新篇快持誦所嗜有同心風
騷規屈宋爾我文字交奚啻關癢痛呼童剪芹芽
爲子辦朝饗官閣梅正繁相對傾畢甕酌罷起巡
簷雲英聊目送嗟子駑駘姿蹇劣固無用那聞騏
驥材弗爲天廐重會當過都鳴颺馳謝羈控

次韻乞王石谷寫萬壑響松風圖

虞山疊疊水浪浪中有幽人寄興長半幅生綃乞
圖贈松風萬壑愛清涼

觀王石谷暉南田作畫

江南山水佳兼之富花鳥春事起郊坰處處堪潦

緯蕭草堂詩

卷一

三十一

倒維子困官廨據梧何悄悄却喜二叟過妙繪恣
探討茗椀共小樓點染爭奇矯王叟布林巒暉叟
貌魚藻顧盼勞左右樂趣不爲少我家淥波邨結
茆亦殊好思歸苦未遂時復縈懷抱願作六幅圖
卧對送昏曉

清明出遊

燕燕復鶯鶯春融兩乍晴畫橋看折柳水閣聽調
笙鴨綠彌荒浦鞞紅送落英天涯朋舊在樂事記
清明

次王顥菴學使送石谷南歸韻

洗竹澆花自在身老翁風調總清真嚼來世味憐
如蠟看去浮雲笑是塵翰墨爲名傳已遍林泉託
跡興常新他年瓢笠追隨處七尺漁竿一水濱

辭金閨夜寄蔡九霞王勤中姜學在諸君子

離歌低唱淚交揮餞別楓橋日已微一櫂胥江煙
色合星星螢火傍船飛

故家人物蔡王姜詞賦丹青各擅長官癖僧寮恒
夜話教予那得不迴腸

果有枇杷魚有鮓江南風味總堪思猶憐口腹天
虧我未及揚梅爛紫時

緯蕭草堂詩

卷一

三

布帆斜掛月波涼岸上農家夜打場最是懷人眠
不得船窗細炷水沉香

北固山晚眺

閒登北固望金焦鏜鞳江聲送暮潮弔古情殷行
酌酒思歸計阻坐吹簫飛飛貼水窺魚鷺泛泛隨
風下海船多景由來非浪語振衣今喜到山椒

登金山

雲水粘天天宇空驚濤一柱勢何雄參差殿閣渾
金碧身在伏英圖畫中

揚子江頭朝雨過妙高臺上暮晴時中冷一盞資

吟眺如練常拖小謝詩

舟次蕪湖有懷虞部先叔父

野鴨格格橫江飛波光浴日金星微蒲帆飽張疾
於箭晚炊纔罷來鳩茲憶昔叔父此視權爲政風
流人爭推菊秋曾隨連夜飲醉後往往敲僧扉舊
游如夢不可得凌虛署中樹名酬唱真堪思含悽獨坐
當日暮檣燈漁火明蟻磯

避風

迴颺刮地來繫纜當沙嘴岸葦沒牛尻吹笛藏漁
子撚髭鎮日吟客思紛難理向夕起占風江豚舞

緯蕭草堂詩

卷一

三

未已

雨中觀捕魚

午睡雷破夢眼倦未即舒鳴鏡過水驛起立當窗
虛疾雨九子至散作千頃珠蕭蕭荻花偃漠漠江
雲敷移舟向浦溆長嘯隨又魚

清溪

雨過樹生煙停舟落日前蕭閒沽酒地空濶打魚
天菱米登盤嫩芡瓜出水鮮此中真可住擬辦買
山錢

夜泊湖口

一片空明色遙臨星子湖昔年曾雨泊今夜復村
沽傾耳聞清梵回頭認小孤幾多離索意江月照
菰蒲

蝦蟆石

何來石蝦蟆蹲居彭蠡潯側腦復凝睛疑向大孤
語造物亦良奇劈落煩鬼斧舟從領下過拍手驚
僮侶水怪詎敢窺蛟龍乃其伍遥知明月生笑聽
羣蛙鼓

衙齋遣興寄故園諸兄弟

盆蘭花放滿衙衙香盡拓窗櫺納晚涼五老謂匡廬有

緯蕭草堂詩

卷一

三四

緣身再歷一經無分業全荒歸期暗卜憐時遠詩
思頻抽欲味長羨殺西陂明月夜清琴濁酒水中
央

題羅飯牛畫

畫師羅叟字飯牛筆墨蕭森追營丘廿載聲名滿
藝苑石谷王子同源流昔我雙江鼓歸棹小泊南
浦偕遨遊殘山剩水仍在眼星移物換倏十秋重
來洪都逢舊雨踈狂殊喜得匹儔拈鬚相視復相
慨少年已壯壯白頭茶話纔竟出東絹揮毫頓使
煙雲浮側嶺橫峰饒奇趣雜花野草渾清幽高懸

屋壁驚四座蒼松萬壑風颼颼支頤袖手看不極
爲題長句於山陬

緯蕭草堂詩卷一終

緯蕭草堂詩

卷一

三五

溪眼再向峯山側

緯蕭草堂詩卷一終

風聲驚四座蒼松萬壑風颼颼支頤袖手看不極

緯蕭草堂詩卷二

商丘宋也至山言

晏坐

晏坐無心卽老禪
棕鞵蕉扇亦翛然
更深漸滴梧桐露
秋入先增橘柚煙
暑冷如冰人寂寂
天空似水月娟娟
蒔花種竹多幽事
會了生平未了緣

秋夜同山蔚先生作

尊酒遲梧月
烽煙初罷休
幾年從問字
今夕共吟秋
風送迴帆鼓
燈明綴檻楸
洪崖饒勝蹟
詰旦擬尋幽

緯蕭草堂詩

卷二

中秋後一夕簡陳翼文

月白信如霜
單衣入夜涼
圖披山鷓古

余家有黃居宋山鷓

棘雀圖

花愛樹蘭香
風物頻年換
交情舊雨長
閒愁

渾不耐抱膝聽鳴榔

客有話吳趨
山水者因憶華山之遊用寄同

遊諸子

金閶四五月
梅雨無晴時
稍霽競遊眺
步履連江澗
此邦曷作客
勝引容追隨
柳栗扶欲遍
尤愛華山奇
螺旋石路古
流水何漣沔
一步一回顧
好景常恐遺
紆曲造初地
嫩竹紛披離
僧寮面絕巘
煙

嵐堪樂飢轉曉易秋夏妙香縈夢思嘉遜在何日
山靈應予期

燈花和翼文

一枝灼灼伴深更無葉無香刺眼明鄉雁傳來珠
忽迸癡蛾撲過瓣微傾常從雨夜留孤暈不共春
葩鬪令名最是羈人愁未寢竹窗剪處可憐生

寄懷張長人先生

藕灣先生藕灣住藕花香發灣頭步小艇橫門寂
無人鎮日沈吟拂花露平生著書比牛腰老友劉
里顧公黃時相招年今八十頗彊健短衣破帽何陶

緯蕭草堂詩

卷二

二

陶趨庭猶憶居楚黃一經受業啟雪堂流光如駛
將二紀駑駘迷路嗟徬徨昨者江漢起烽煙羽書
紛擾延梅川聞師避難到山谷屏絕塵境學偃佺
幾時載酒重問字先生几杖得隨侍品墨銘研續
清歡煩襟一洗愜夙志

寄喜起弟

橘綠橙黃又一時霜螯在手酒盈卮江湖泛宅今
年遍兄弟登高往日思南浦雲深歸候雁西山楓
老捲涼颼數行筆札殷勤寄風物天涯各自知

次友人夜集韻

風風雨雨幾時開
客緒無端撥復來
賭酒今宵先有約
苦吟三日未銜杯

倒用前韻

輸芒湖蟹佐深杯
到耳征鴻去又來
一段歸思連夜雨
秋江常夢片帆開

題畫

遙山佛頭青淺水
鴨頭綠亭空悄
無人幾箇瀟湘竹

喜張二晉宣見訪

輕暖輕寒過鴈天
多君特泛孝廉船
水衙剪燭仍

緯蕭草堂詩

卷二

三

樽酒赤幘論心幾
幾年江月漸高爭
引步鄰雞迭唱苦
催眠明朝一櫂東
湖曲好向徐亭共
往還

漫堂咏物

小靈璧研山

華嶽疑無根縮之
傍研匣峰儼芙蓉
那復羨巫峽終朝
几案間煙雲未嘗
乏

宣銅鹿書鎮

彼林而游者胡爲
卧紙上肖形工拙
間古色信難狀推
卷偶停目想見銜
花餉

大食索耳茶盃

昔聞大食餅今見大食卮輕脰中外徹兩耳如索
垂玩罷一彈指磬響音遲遲

小華道人一池春綠墨

圓壁經二寸蟠螭伏春波小華昔做古萬杵香烟
和倘非莊騷筆未許臨池磨

何雪漁凍章

短章遺雪翁鐫無非佛事石膩如凝脂篆古刀復
利明朝訪山僧好用印投刺

倭漆桃香盒

小物矜彩螺估帆來島嶼桃實何儼然位置博山

緯蕭草堂詩

卷二

四

所除卻黎人香誰合此中貯

送張長人先生

今朝出送張夫子放翁句黃篾輕舟破曉寒一髮中

原何處是浪花如雪正漫漫

今朝出送張夫子榻里來尋徐穉祠太息斯人招
不起松陽門外立多時

題王勤中垂楊雙鷗圖

老柳發金線絲絲掃晴波白小鷺復定唼水藏圓
荷樹頭兩黃鳥相視調清歌隋家隄邊景納涼記
曾過

觀勤中垂楊雙鷗圖再作二絕句寄懷

芳草堂前草色齊
王孫圖罷日初西
一株老柳垂垂綠
飛到黃鸝稱意啼

江城冬半不知寒
流覽新圖憶子安
猶記吳閶春二月
葦蘆櫻筍共盤餐

題陸包山梅鳩次原韻

輕陰養花天幽鳥
罷春弄梳羽眼迷
離依稀續殘夢

題錢舜舉三蔬圖

土酥出土筍脫肥
嫩綠初長冰壺生
三蔬滋味清

緯蕭草堂詩

卷二

五

復清甘脔入脣宮
徵聲披圖一過客
思縈去年十月長
安斫黃魚今年二
月吳江調蓴羹風
味雖佳每不羨但
羨清冷一曲輓轆
澆菜常作不足齒
之愴

連日送友人歸里惆悵有作

日日送歸客人歸
我不歸江干一杯
酒落葉正飛飛海
雁子鄉橋名凝愁
思秋屏閣名冷夕
暉何時橫短笛

穩坐舊漁磯

讀鈍翁藤樹歌因憶余鄉邨古藤之盛爰作

長句

余家邨莊渦水隈古藤一本纏古槐藤身槐身俱
逾抱垂陰半畝留青苔常時打魚坐樹下紫花吹
落俄成堆取花作羹消宿酒樹根企腳風襟開今
讀此詩添惆悵側身空望闕伯臺

同山翁訪北蘭寺

刹竿隱隱傍荒岑坦步遙穿棟子林僧徑渾依頽
岸轉梵聲恰竝夕陽沈煙籠寒水江流碧霜老香
橙樹挂金縱目還同登小閣西山嵐影落衣襟

天欲雪寄劉資生檢討

天欲雪烏啾啾牕紙經風鳴不休矮坐撥寒火觸

迂攢百憂往者金臺值臘月黃芽

菜名

上街酒始篋

故人爲釀飲狂呼常夜周回首如轉燭頓成三春
秋聞君此時假歸省狐袍錦帽出涿州安得烏辭
籠魚脫鈎我亦抽帆黃牛洲駝嶺嶺畔作雅遊十
日五日同淹留高歌一曲舒雙眸

檢閱汪氏傳家集寄呈鈍翁

夫子棲真處山光塔影樓看雲常坦步拄杖恰平
頭史筆無班固詩情逼陸游瓣香余有奉端的屬
長洲

除夕次山翁韻

風雪三冬已盡拋，鶯花早晚散郊檐。
牙簾額頰懸勝楚尾吳頭，幾繫匏蠟酒破泥香。
泛蟻樹烏驚炬夜盤，巢故園往事當今夕。
饒歲西堂笑語交。

元日疊前韻

鄉思欺人未許拋，新年苦憶宋西郊。
一竿煙水綠於黛，半幅蒲帆輕似匏。
來往鳧翁爭得食，呢喃燕子話成巢。
春深景物依然在，歸去長吟和故交。

宣銅琴爐

宣廟貴薰翫，錠鍊戒纖雜。
出冶擅奇珍，制器邁古法。
入目璧逢卞，驚心兕離柙。
桐君號許分，朝冠耳

嗤插足撐貌，頗莊口方手。
僅匝百金價，詎昂七絃蓋。
惜乏夙癖愛，收藏索看厭。
紛沓柴汝脍，羞媿鼯鼯。
蝨蠹媿狎色，冷埋土璞質。
膩醉姬頰，薄紅卵膚天。
硬黃僧子衲，幽燄常蘊腹。
堅彩時徹睫，離陸靡定觀。
珊瑚攪梘蠟，撥灰蒸龍涎。
調絲遜山峽，巾頻就以烘。
經莫藉此壓聲，久騰帝京寶。
喜歸余匣製，未滿一斤中。
可容三合有，字款屬鑄無。
酒脣欲呷，倘遇蔡中郎。
焦否指應招，清誇傍文史。
俗幸免閨閣，鬪雞缸名齊。
沈泥硯品洽，髻盤奉宜倭。
錦囊裏用袂，鼓鑄匪爲遙。
鑑別此云甲，淫雨勤自拭。

活火促僮夾避塵須施籠位八恒防磕左輔漢玉
匙右配果園合諦眎訝爛光欣賞餞殘臘撫之不
成音鏗爾空希答張燈刻畫吟拈韻次第押風簾
靜垂垂煙篆裊恰恰小物薦明種升香足大裕

雪

效歐陽體限不以鹽玉月梨梅練絮綿銀
鴈鶴素白雪霰霜雹等字

藻編素白雪霰霜雹等字
及王子猷孟襄陽等熟事

江鄉澤水當堅腹北風吹徹元陰酷濺濺纔驚落
瓦溝灑灑還看敲庭竹飢烏攫食匝樹鳴凍雀引
伴綠牕宿街頭酒價知應昂江邊魚網想當束來
牟根深快藉培狐兔迹顯愁難伏幽人閉戶抱醉

緯蕭草堂詩

卷二

八

眠舟子推篷祝晴旭喚醒平臺老鄒枚判出匡廬
眞面目蘆汀畫手不復傳惠崇有蘆
汀密雪卷肴山戰筆誰
能續東坡有效歐陽
體作自戰詩且喜眼界頓空明獨立高樓

憑遐矚

滕王閣次多玉巖季廉韻

十載前赴虔州界輕船三板凌澎湃鬱孤臺上縱
高歡坐瞰章貢來雙派趨庭今客灌嬰城匹馬侵
晨過江介振衣傑閣任憑欄哀鴈排空影去快賈
舶上下儼傳梭葉葉蒲飆疑浮芥滕王已去繼門
公此地幾度看成敗臨風把杯起狂歌酩酊何妨

破酒戒度兩雲英白勝綿迎春樹色青於薤緬想
王郎受簡時舉筆直覺江山隘星移物換句尚留
畫耶詩耶吟來怪於今詞客每登臨定有七言壁
上疥伊余才薄常自憐詩情枯澀天所械偶從瀛
海和新篇了卻煙霞一段債

雪後登署樓口占

乍喜新晴望厭原春煙漠漠散朝暉江城故蹟都
堪指不見仙人寫韻軒

題王石谷采菱圖

上書石田
采菱歌

我愛采菱圖兼愛采菱歌唱歌采菱湖邊景女兒

緯蕭草堂詩

卷二

九

盪槳凌煙波山光倒映溪抹碧微風吹處紋如鞞
牽葉防菱刺戲水驚新鵝隔溪倚檻者誰子籜冠
敲側披輕羅安得坐我於其上風前一卷偕長哦

怪石詩

我有水精石中含一粒水髮鬚太極圖陰陽相轉
徙手持顛倒看上行每不已或曰是空青運動何
如此我疑鮫人淚化作頑石髓不則老蚌珠走入
石腹裏瑣細具奇觀造化亦良詭作詩聊記之博
物俟君子

夜光木

予昔客潞沙異木得未有入夜常捧觀玉盤驚墮
手皎然無纖瑕螢火爭避走由來日月精化之爲
瓊玖厥後染塵穢瑩潔不復守譬人富行業光輝
固非偶一朝罔自持漸滅速拉朽追憶成斯篇明
德貴常久

題蔡九霞山遊詩冊

記得鶯啼春色好吳閶城外日留連脫綳嫩筍清
如玉鋪水新荷小似錢纔向空山尋鳥道更經蕭
寺看螺旋舊遊歷歷詩篇在永夜相思月到天

泊舟荻港登鳳凰山如松菴

緯蕭草堂詩

卷二

十

小山何突兀初地俯江流一徑看松入空堂過雨
幽扁舟環港口殘壘峙磯頭天半褰衣處身輕似
白鷗

聞說山來虎林深未敢行櫻櫚渾掩映蘭蕙自蕭
清水向天門澗峰銜夕照明閒吟攜衲子風物總
關情

歸舟雜詩

灌嬰城外雨溟濛江水茫茫鷁首東卻怪歸人纔
解纜一連三日打頭風
挾柁開頭不復留吳城古鎮晚停舟望湖亭上一

杯酒湖水湖煙何限愁

落星片石波中點五老高峰天半圖一漬墨痕疑
米芾全烘煙色似方壺

宮亭水漲沒沙灣燕子來時春色間小泊今朝堪
記取推牕對面是鞋山

烏帽蒙頭信意歌石鐘山勢望嗟峨年來水宿多
經慣不怕篙師話浪婆

春風嶮峭水如湯初試單衣尚怯涼濁酒一尊談
往事滿帆煙雨過彭郎

昨夜江頭初過雨皖公山色倍分明船牕向背渾

緯蕭草堂詩

卷二

十一

無定盡日風帆之字行

落帆最喜當秋浦菜子花開蛺蝶忙指點名山數
歸雁軒軒風帽立斜陽

憶昔舟行攜季弟看山屬句與偏餘芙蓉朵朵今
仍在灑淚江天望九華

二弟著江行詩有采
芙蓉是九華句

識舟亭子俯江城喝月飛觴往日情十載重來如
一夢庚申小字認題名

靈澤夫人有廢祠蕭蕭風雨下鷓鴣門前白帝澄
江水捲送愁腸無盡時

柳剪春絲荻長芽溪分燕尾浪淘沙水邨畫本行

行見何事江南不住家

采石磯邊看采魚豫章回首望中虛阿誰鼓楫西
江去寄我平安兩字書

大長干接小長干江左春光正未殘明日雨花臺
上坐六朝景物共誰看

楚尾吳頭幾泛舫今朝真箇別江涯青青驛路梁
園去不誤西陂看杏花

送楚雲禪師赴上谷即次留別原韻

半年蹤迹寄洪州今喜高僧共倡酬禪榻談深清
似水冰懷對久冷於秋瓶花簌簌香茶鼎粥鼓淵

緯蕭草堂詩

卷二

十二

淵韻佛樓何事支公又分手南湖煙雨不勝愁

楚公別後以覺浪師所遺蠟珀寄酉兒兼命
法名口占志感

童兒曾許拜雙林蠟珀貽來色似金切囑成人休
失學法郊兩字認婆心

懷山翁

兀坐懷人酒漫呼秋屏近草似髯蘓遙知今夜題
詩處一舸清風下蠡湖

試茶

穩閉柴荆遠市譁攤書纔罷課鋤瓜搯頤仰看張

蛛網引步低憐蹴菜芽夢裏身名誰得據間中風味本無涯今朝樂事堪消受一縷濃香試苑茶

秋葵

倚檻窺牕如有思含毫相對總相宜淒風吹處嬌難勝薄日烘時態愈奇官女頭冠傳麗句道家體製想新詞可憐白帝眞癡絕卻把柔莖綴酒卮

題畫步家大人韻

虛閣傍山坳漁舫迎流上松聲與泉聲共作秋聲響

歲暮書懷

緯蕭草堂詩

卷二

十三

太息無才百不宜閒吟又是歲闌時抱醒頻把樽罍呪向暖聊將筆研移口未三緘應自悔心無一物復何思翻雲覆雨眞堪畏我欲從今號犬癡

喜似齋兄惠山谷游青原山寺詩石刻及柳愚谷做子久畫幅因作長句

叫晴喜鵲聲楂楂春筍搖牕清香餘午睡乍起扶床坐折腳鐺沸活水茶數紙忽來涪翁蹟字如拳大行疎斜蘓米猶嫌肉勝骨平原筋力何爭差還有石城柳墳筆一峰老手無須誇疑我西邨放鴨景孤篷短櫂留溪沙人生清翫本無價賞心如癢

逢搔爬門外家僮爭傳笑嗜古真箇同阿爺

雨中過徐颺申宅

每愛幽居好衝泥到汝家微風低燕子小雨落松
花話舊披遺草

時闕恭士
先生文稿

論交感聚沙焚香秉掃

地同此作生涯

秋日東颺申

紅蕉冷豔隱柴扉拂榻長吟送落暉隨手年華難
少待驚心世事總多機翩翩寒蝶聊為伴的歷瓶
花足樂飢聞道南湖秋色好可能竿餌上漁磯

晚集妙理山房

緯蕭菑堂詩

卷二

十四

問菊來新築庭空宿鳥歸一弓山月小滿院竹風
微酒喜從隣覓詩爭帶醉揮清狂無限意霜葉靜
飛飛

飲颺申城南幸山堂東望春圃

幸山堂前秋風生幸山堂畔秋水清秋風秋水太
蕭瑟落日未落照宋城憶昔宋家南渡日至尊曾
此畱霓旌倏忽人代幾遷變羽衛雲散叢榛荆殘
碣斷礎埋深土花宮巍峩更前名徐子訪古饒風
癖提携酒具擔茶鐺邀我共過堂東圃掃几拂榻
開南榮輓轡轉處清俗况時聞伐木音丁丁菜甲

臺心何甘脰經霜風味如瓊英狂呼轟飲情不極
一彎新月遙天橫

出門口占

出門未去入門來庭院纔關卻又開指點牕前囁
僮僕明春記種兩株梅

桐城道中兼懷吳五崖先生

一村黃竹一村煙路入龍眠似輞川天欲做寒風
漸勁山因銜雪樹爭妍吟來驢背償詩債醉向茅
檐筭酒錢知已驚聞成宿草長亭落日幾潸然

先生
校士中州曾
拔予冠軍

緯蕭草堂詩

卷二

十五

語瑀如姪

山腰村尾竹松中納納溪聲處處通記取江南好
風景他時樽酒告而翁

潛山旅夜題壁

膈膊村雞鳴攬衣中夜起推門視晴陰寒星動野
水倦僕兩三人齁鼾夢未已挑燈不能眠題詩聊
自紀拂壁遇故交知予曾宿此

楓香驛

少小黃州騎竹馬楓香橋畔逐兒童到來古驛添
惆悵葉落寒山散晚風

五祖山

紆曲蘄黃道行過馮茂崖青杉攢殿角赤日射山
階破額骨曾朽栽松人再埋肅心吟望處冰雪滿
襟懷

晚過黃梅

松杉漠漠鳥飛回水石縱橫一徑開冷雨淒風吹
不斷籜冠敲側過黃梅

曹廠墜腰石

雙林寂寂竹風寒三五僧僚罷晚餐何事新州不
傳鉢卻留頑石與人看

緯蕭草堂詩

卷二

六

九江步月

月到霜天分外明孤裘錦帽總蕭清煙江疊嶂誰
能畫好手還須王晉卿

望廬山

潯陽門外乘肩輿伊鴉盡日行匡廬雄奇大似范
寬筆心驚魄落惟欹歔三百餘寺都不見中腰半
被煙雲鋪我欲凌風謁五老同人畏虎未肯俱願
得山靈不遐棄吹落瀑布濺塵裾

東林寺

東林留宿處午夜月華清客路經千里廬山第一

程曾鐘天半落澗水榻前鳴夢覺鄉關邈披衣又
遠征

孔雀聯句

珍禽產炎方嘉名錫南容品流亞鳳鸞羽毛豔圖

冊家大紀官今大夫獻瑞昔重譯至卯伏或在峙

籠致恒從舶小兒對本佳九嬪賦稱藉翠旌兮楚

吟飛蓋焉漢借家大樹尾聲肅肅蹀足晴覩覩矜

麗逐冶容導舞應手拍至思鬪儼雞雄獨立分鶴

格家大金錢列繡屏綠鞵聳彩額至行憐襦褌披

叫任郁伊嚇似竊龜背穹應受鶯歌責家大飲泉

緯蕭草堂詩

卷二

十七

抵防牛啄地毒尋螫至薄怒首漫翹偶驚角忽圻

家大入春倍絢奇落花齊凋翮碧雞謝森纏綠鳩

畏逼迫綠竹愛啁啾鷓鴣等格磔團扇製遜工車

輪樣爭赫栖宜珊瑚枝步當瓊瑤席織裘藻火鮮

珥戶錦雲奕萬里來三梁兩年伴雙戟鈴閣引頸

閒嶺徼歸路隔至影弄晴景初夢繞瘴海夕家大

每嘆造物靈允屬文鳥伯至命儔整以暇比翼光

而澤朝飢生菜耽暮宿高架擇沙虛卧喜便徑曲

飛嫌窄家大頰渾染淺黃衣不著點赤至傍籬菊

媿金照水池全碧看雲頰孤鸞下堦時一擲懿哉

西施稱困矣太尉宅枇杷取共寫

黃荃有枇杷孔雀圖鸚鵡

許同適丹梯舊訝登桂蠹疇醫瘡病亦來清詩貴

維因創獲蹉跎感待士悵望傷寄迹

家大久結青

霄懷會充元圃役

至西崑刻畫餘漫堂更擔據

家大

人

聯句後復成一絕步家大人韻

投老心情喜譽兒聯吟又把歲寒卮極知學語多
生澀不類斜川集裏詩

破硯步家大人韻

一片雲根訝喜全踰麋磨向小牕邊符惟剖處方

緯蕭草堂詩

卷二

十八

爲貴月到虧時不碍圓補藉神媧應復爾寶分和
壁固依然缺脣損額從來事尤物如何肯受憐

除夕對雪用王元之寄羅評事韻

積雪捲西山迴風倍凜然紅梅含凍坼白鶴上階
眠梁苑分題日長安賣酒天幾多別離意搖漾似

江船

來日記王正天寒石骨稜微吟除歲句苦憶閉關

僧

謂北蘭淡雪上人

薄暮過街鼓清尊剪夜燈誰知官舍

裏蕭瑟對簷冰

食鱸魚步家大人韻

恰好江城淑景回，壺觴款坐小牕隈。
春厨佳味來三柳，暮雨清燈辨四腮。
舉網睂山增想像，驚秋張翰重徘徊。
蓴冰滑滑堪同鱸，鼓棹煙波亦快哉。

絲竹屏

以斑竹銅絲爲之內外皆徹

屏風不蔽風，九疊望玲瓏。
金線縈湘水，冰絨剪月宮。
捲簾通積素，秉燭映深紅。
身到琉璃界，方知色相空。

東署中諸子

雪晴五日東風吹，濺濺檐溜無停時。
朝分一韻競白戰，苦吟向夜猶拈髭。
忽然投筆起狂笑，鏤心鉢

緯蕭草堂詩

卷二

十九

賢夫何爲即今官，厨頗不惡春盤方。
物畧備之雄

南

雌鴨肪白，蠔頭滑山麋。脯爛熊蹯，膈傅火龍。

南龍豬

帶微脍披綿，黃雀渾多脂。更饒江南糟，味好松江之。
鱸京江鱠，急須檢點作酒具。張燈共倒玻璃卮。
不爾即蠟西山屐，扶筇明日躋屣屨。慎毋徒被聲律縛，終朝嘔啞低雙睂。

家大人以端溪石硯賜至敬賦十五韻

嗟我蹇劣資，嗜好與俗判。不解遊冶歡，怡情在几

案。自昔侍藕灣。

謂張長人先生

品硯常夜半，紫玉涵青花。

曰維端溪冠，大人昨歲冬。片石從客換，體破復完。

好質古而光燦銘刻萬道人拂眎忘昏旦因將舊
時珍分作兒曹翫卑我硯稱最捧受喜無筭竊思
彼頑石均從巖窟斷或則抱大文墳典資絢爛或
則委階除瓦礫同棲窟良由稟德殊珍棄遂莫道
人生貴自立評薦誰云漫作詩代規箴深夜增喟
歎

哭山蔚先生

昨日聞君苑開械涕泪多平生號虛直先生半世
總蹉跎幼子年方乳孀親鬢久皤一朝來鵬鳥悲
悼欲如何

緯蕭草堂詩

卷二

二十

誰繼梁園盛惟君擅令名當年稱後起此日屬先
生修社心何苦裁詩老愈清那知伴侯朝賈靜子地
下續前盟

予初從問字尊酒坐西齋一榻琴書靜三更笑語
諧不才聊自立高誼本無涯太息人何往臨風倍
愴懷

南州曾下榻官閣共盤桓款宴當春暮清歌及夜
闌縱橫文筆健澁灑酒杯寬粉壁題詩在淋漓墨
未乾

秋屏閣春眺

小閣近城邊登臨二月天雲籠千嶂曉春染一江
煙估舶交帆去沙禽接翅眠故人今不見曾與山翁同過
徙倚晚風前

出遊以雨阻不果

細雨連朝暮輕寒到時看山空有約蠟屐竟何
之水漲蓼洲渡花飛梅尉祠郊垞無限好未許醉
春卮

清明前二日口占

春雨春風太放狂撩人景物是江鄉賣花聲向鄰
牆過鼻息先聞七里香花名

緯蕭草堂詩

卷二

三

鈎簾小坐日平西簌簌瓶花開欲齊羨殺空山新
雨後滿林香雪舞迴谿

送喜起弟之官咸寧

腰懸新綬色衣染舊芸香諷誦蘓州句流連滕閣
觴文章通吏治清白是官方報政三年事寧憂滯
瘴鄉

六載才相見天涯又送行一帆斜照影萬里宦遊
情遠道鄉風別殊方政務清好將冰雪咏頻寄灌
嬰城

署樓晚坐懷吉金姪

滿城風雨暗炊煙
蕭蕭旗門薄暮天
遙憶阿咸凝望久
支頤樓角數江船

遊翠巖寺

早起來江干
喚船當官渡
一帆凌煙波
便得川原趣
野岸風日佳
平沙宜坦步
去去遵畦塘
不礙窺魚鷺
徑轉入空林
鳴泉齊奔赴
遠山俄在前
近山已回顧
行望鉢盂峰
寺門紅微露
亭午到講堂
松花簇簇雨
嫩筍如卓錫
迸砌生意怒
小憩度山坳
懸崖看瀑布
雪濤洪井翻
靈蹟信匪誤
竚立遂移時
流光逼日暮
山鳥不知名
喧呼頻散聚
殷勤謝

義公延我僚
房住搔首聞鐘聲
月挂峰頭樹

懷淶波邨

料得西邨春水肥
蒲青日暖燕爭飛
憑誰寫出煙波景
著我持竿坐釣磯

初夏遣興簡陳翼文

鶴靜人間花影移
藥籬聲響夕陽時
橫陳小几南榮坐
檢罷元詩又宋詩

春尾風光夏首天
柳花零亂草芊眠
好將一朶雲腴片
去品山僧澹雪泉

雨後坐列岫亭與澹公茶話

爲訪湯師到北蘭空亭晚坐倚欄干誰將六幅南
宮畫展向江天待我看

雲傍山頭看漠漠山從雲裏認層層雲山是一還
非一若箇能參最上乘

送朱文盎之粵東

攜李小朱十文采阿翁亞扁舟向珠江征帆爲我
卸水宿縱安便坦步遜官舍草具剪園蔬丁坊酒
頻貰話舊及齊髡擢歌妙無價出示濟南泛大明湖作曰予
格律工得毋肆嘲罵贈予句有悔不官齋經月住盡偷格律向珠江方期

旬日留茗椀共良夜胡爲袂遽分南州榻空下搖

緯蕭草堂詩

卷二

十三

漾別離心如風吹襪程卻羨踏嶺雲荔支擘炎夏

鮓魚聯句

時鮮誇南州首夏三鷺薦嘉味配朱櫻芳辰趁紫

棟家大白浪狎唵喁碧藻恣遊行至昔名江東產

近憶富春岸叶巨口靡足稱縮項那堪羨至

响沫信知樂小觸輒生悵色潔鏤晶寒腹膳堅甲

繕朱悔鼓髻奪爛銀脫網閃淨練形秀躍匣刀刺

駝拆襪線家大後躋諒匪誣去鯨當屬諺至出水

尾未頰入筍目猶眴記來應月令候行不江湖徧

至恪貢馳驛騎特獻開寢殿稍踰徃歲期恰佐端

午醺

家大

既嘗歡野客中厨先使院

悔

人既陋白小

微亦晒松鱸短

叶

如茶列犀鎧滋灰結寶鈿細瑣

骨支撐叢苞子連貫

叶

飪合澗芹兼雋竝盧橘見

公

滌腴挹泉乳助韻芼薑片

吳志

釋名爾雅闕方

法本草撰登俎防損鱗貯肪偏宜獻

悔

人較河豚謝

毒與熊白等觀

叶

家

香疑躡鼎熟飽覺饜飲濫

叶

脂滑乍露脣羹美留漬麪

志

上生致體殊瑩緩

烝勢若顛畏啖何其愚

蜀人呼爲瘟魚不敢食

得珍未妨擅

悔

人買時綠荷包膾處霜刃刺玉屑簇簇攢冰花差

差纏

至

風透座送馨日晡色不變骨鯁雖摧殘煙

緯蕭草堂詩

卷二

三四

波仍眷戀

志

老饕借五君采頤或三燕盤罄風雨

疾著鬪楚漢戰

家大

蠻語詠叅軍齋心戒許掾

子

日蔬食

志

上雅章緬信陽託諷意何限

叶

家

喜悔人至南昌

宣武門東寓清言每夜深一朝揮別淚三載斷題

襟楚澤征鴻意梁園落木心相思忽相見杯酒且

聯吟

悔人雨中宿使院與志上同用湯西厓簡張

弘蘧韻

追歡直到五更强勝似懷人賦屋梁鼓棹江湖期

作伴

志上訂西
湖之遊

吟詩唐宋戒騎牆黃梅雨急移茶

竈綠竹風清理筆牀故態而今都不改恍疑蕭寺

納新涼

昔同憐人寓
都下聖安寺

悔人再宿使院同疊前韻寄妃公

來往京華十載強知君今已厭津梁何期榻下南
州日恰好花開使院牆四韻詩成驚鶴夢三更月
上浸書牀遙憐泛宅周元道獨傍篷牕趁夜涼

二鳥詩

南籠養白鵬北籠養孔雀每讀宛陵句不禁誇官
閣今晨饒風涼煩襟妙濺瀾背手立階除觀物成

緯蕭草堂詩

卷二

三五

悲樂維爾昔高鸞林樾爭栖託朝渴飲澗泉暮飢
啄葵藿金縷與水紋衣襦各光灼疇意網羅密一
旦被束縛有翼不得張長嘆羨雲鶴躑躅牆隅間
修尾漸凋落始信富文采無如羽毛惡何當破樊
籠飛鳴遍寥廓

辛未夏五月過北蘭寺時煙江疊嶂堂初成
步家大人韻

北蘭曲逕入清幽蕉葉藤梢次第抽行到空亭一
翹首稻花雨足漲江流

波光激灩柳陰涼白板為牀小閣張長日聽鷗同

老衲浮嵐暖翠撲衣裳

棟影蕭疎竹影團山泉一酌訝清寒毘陵題後人

爭品未許叅寥兩樣看

澹雪泉爲武進
邵子湘所名

眼底江山真是畫堂中水石有新圖

羅飯牛
畫壁

分題

爭羨髯翁句風調居然似大蘓

謂悔
人

蹋遍平沙未肯行心隨鷗鷺泛波輕蕭閒更愛江

天寺一尺斜陽塔頂明

聽志上彈琴

廬陵昔有句理身如理琴身苟未與塵囂絕七絃
雖撫非能音西泠吳子富文史清臞容貌冰雪心

緯蕭草堂詩

卷一

三

偶然試綠綺一彈風生襟座上諸君默不語停杯
斂袖移情深鼓罷空堦看明月雙雙鶴影行花陰

雨中同悔人作

鎮日鈎簾坐羈愁一倍加雷聲猶殷壁雨勢似懸
麻竹閣樽初倒旗門鼓不譁何時扶杖去齊已共

茶瓜

謂澹
公

悔人以論詩五古八百字見示自疑題有未

安停杯裁思遂至夜分戲成一絕

桐花露滴竹風清端酒盈卮不共擊今日方知詩
思苦一題斟酌到三更

送悔人歸潛江

我家曰西陂君家曰東浦各以水爲鄉煙波殊容
與東浦魚可曾西陂藕堪取白芡及烏菱一一滿
洲渚頻年各驅馳茆屋未獲補舊業漸荒涼夢魂
寄鄉土君今買扁舟遠下宮亭滸計日到家園尊
酒狎釣侶我獨留南州歸期猶多阻向夕出送君
淚落渾如雨執手不忍離江干月已午

送羅飯牛遊廬山

羅叟七十頂未禿欲向匡廬結茅屋我昔曾望匡
廬峰峰峰拔地如芙蓉我昨又讀匡廬志大小三
百六十寺安得數幅鵝溪絹煩君到處圖所見歸
來貽我挂西堂一日匡廬遊一徧

題柳愚谷畫

紅樹青山野老家樵兄漁弟共生涯夕陽西下柴
門掩一杖前來看瀑花

浯溪磨崖碑

天寶末季嗟披猖祿兒騁兵來漁陽至尊青騾西
幸蜀百僚奔竄何蒼黃撫軍誓師有太子英雄李
郭同時起恢復兩京婦妖氛中興事業真堪紀維
時紀功者爲誰魯公之筆水部詞詞則嚴正筆則

健秦碑周鼓猗那詩緬想磨崖高勒此忠義凜凜
動湘水恨不盡挽湘江流一洗唐家九廟恥

懷飯牛

壺有酒囊有琴拖藤杖行松陰六月無暑氣櫻鞋
楮皮襟懷君此夜在何處聞鐘應到東西林

方竹杖

分寧方竹方如削截爲拄杖堪倚託平頭七尺總
觚稜其中扣之復寂若世人愛圓不愛方扶出只
恐無地著青鞋布襪正相宜明日好試登山腳

題錢介維遊黃山詩

緯蕭草堂詩

卷二

三

客從黃山來示我黃山詩同遊有勝侶冒雨不後
時一綫走絕嶠猿鳥相追隨三十六峰各變幻一
一刻畫如列眉手把詩卷三嘆息人生何苦常拘
羈我聞敷淺原四時錦繡披其上僧房多五百綴
蜜脾其下湖水匯千頃鋪琉璃安得此身長羽翼
共君直上陵厓屨招携五老躡明月松花滿地松
風吹

懷悔人用王阮亭先生韻

金竹坪頭客音書曾寄聞秋風變江樹落葉復紛
紛官舍同聽雨僧房屢憩雲吟成五字在不減鮑

崇軍

寄翠巖寺僧

西望翠巖寺江雲日日封尋幽曾蠟屐結伴共扶
筇黃葉秋深樹青山雨後峰何時重過訪卧聽佛
樓鐘

紅豆聯句

亭亭海南木結子麗不億家大託根自蠻方秉性
具炎德介種植徐表傳土物宋祁識至樹爭號杪
櫛花迴類蒼葛脫莢狀仍菽卻瘴功等惹家大擊
珊瑚紛如染靺鞨一色介臍裂儼掐痕膚茜足首

緯蕭草堂詩

卷二

五九

飾上啄許綠衣嘴棲合丹山翼至妃淚凝冰丸鵲

血漬粒食介含桃脣乍翻澡豆面同拭上飢果陋

巴蜀夥銀尚京國俗多手銀襪中貯之至豔將火棗齊圓未

驪珠逼上映燭暈彌增記曲名舊得介貽喜傾筐

傾貢缺職方職愛之則龍睛棄之則鷄肋至嵌骰

播樂府賭酒效鈎弋家大人打鴛鴦以雙寄綢繆怨

特上比難窮羅虬藝匪待后稷介好製絳囊盛恐

被黥鼠賊上蒙叟名山莊風流信無極家大人

送介維返歙縣

故人理歸檝秋色老芙蓉此日一尊酒何時尺素

書江楓銜落照海雁下荒渠我亦羈棲客能無憶
舊廬

題畫

山腹千疊雲村坳一尺雨中有避世人煙閣修花
譜

秋晚同志上賦

飄蕭風雨滿江鄉無那羈愁分外強井上高梧零
淺碧籬邊叢菊破深黃半天寒色侵歸鴈一笛秋
聲怨夕陽何處林泉堪寄傲幽尋好向贊公房

蘭

北謂

緯蕭草堂詩

卷二

三

對月

抱膝書堂坐寒菴作伴吟煙橫虛牖碧月挂一簾
金白袷從風襲清尊受露侵更闌聊引步獨鶴影
沈沈

栽水仙畢簡友人

曉起尋白石養茲水仙花花葉不五寸羅羅相交
加小置髹几上冷香徹牕紗短札語良士清賞期
日斜

硯山

彤雲縈山椒白雲縈山腹小山無定容奇峰各矗

蠹平生愛巖阿聊作五嶽目

春暮

流光如織不停梭上巳清明次第過屈指三春餘
五日送春歸去奈春何

食鮒魚

官舍紅薺發三鰲入饌時冰花驚乍結玉筍喜相
宜昔鼓京江棹今吟仲默詩頻年當午日一度一
銜卮

書署壁

誰信官齋似水清蕭蕭風雨不堪情晚來疑向禪

緯蕭萱堂詩

卷二

三十一

關臥但少鐘魚梵唄聲

口占送志上返錢唐

西湖煙水共君期烏榜蘭橈願未隨清酒一尊聊
話別客中怕作送行詩

回望西山

矯首斜陽重愴神蕭蕭烏帽立江濱

遙相望真箇西山似故人

宋汪彥章有相隨百里還相見只有西山似故

渡修江

我行及落日喚渡當修江水寒何澄澈駛流鳴淙

淙西望雲居峰拔地如立樁此閒足買醉誰與傾
村缸裴回不忍去俄聞昏鐘撞舉頭見山月一嘯
愁懷降

夜話亭寄心壁上人

亭在圓通寺

六一今何在亭畱夜話名到來山月上坐久客心
清梵唄聞初地茶瓜適此生開先雲外路悵望不
勝情

重過東林寺訪宗上人

黃葉千年寺緇衣六代僧相逢纔一笑把手步溪
稜雲重松毛濕天寒石髮冰平生愛林壑落日尚

緯蕭草堂詩

卷二

三

牽藤

經濂溪廢祠

昔時祠宇化榛荆寒碧方塘剩舊名

蓮池猶存

一酌村

酌來設奠空山落日拜先生

草風莎雨總淒涼斷碣消沈古柏蒼借問江州賢

太守可能重葺讀書堂

祠卽先生書堂

潯陽江上寄志上

琵琶亭畔望木葉下匡廬九派荒煙裏孤城落照
餘庾公懷勝賞白傅歎遷居往事同誰話殷勤寄
素書

東禪寺訪天澤上人不遇

佛祖談經地於今又大師空階松謾謾薄暮雨離
離挂席遊踪遠衝泥客路危僧攤茶話罷繞壁覓
新詩

謁五祖山

昨宿東禪寺今登五祖山孤峰雲晦靄一路鳥綿
蠻大事何須問浮生誰是閒杖藜同老衲絕頂得
追攀

再宿潛山

解卻征衫理帽塵潛山城下一逡巡吟風敗葉紅

緯蕭堂詩

卷二

三十三

於火印月澄塘白似銀題壁昔曾逢暮雨還家今
復及陽春予於巳巳春自西江歸今臘梅香破松
辛未十月又爲小陽春也醪熟夢入西陂亦可人

阻雨

白雲縈山椒雨勢倏然起松櫟各含煙前路溟濛
裏策馬荒村行十步九流水小憩借衡茅滿酌燒
春美趁墟人乍歸共坐話生理須臾霽景開列岫
呈青紫望望天柱峰頽陽已西委

白沙嶺

在桐城北

十月江南正小春松風拂拂水粼粼白沙嶺上搖

鞭去的是荆關畫裏人

喜楚雲禪師見過

麥雨乍晴風物好涼雲一片停松杪剝啄忽來江
南僧竹襟棕帽何草草北牕趺坐話遊踪閒中滋
味誰云少自分骨相本煙霞早晚從師尋五老

畱別硤申

凄其風雪不停吹海雁橋邊酒一卮惱殺素心徐
孺子今年又欠送行詩

結屋編籬期作鄰十年清夢共松筠定將鄧尉梅

花信報與西園折芰人

折芰爲硤申西園亭名

緯蕭草堂詩

卷二

三四

緯蕭草堂詩卷二終

緯蕭草堂詩卷三

商丘宋 至山言

春日侍家大人過靈巖元墓看梅用韻六首
過雨梅花放春來得共探一江煙漠漠十里柳甍
甍胥口帆初挂橫塘路舊諳不須山寺近出郭接
晴嵐

硯山高不極亭午訪禪林磬響雲煙外湖明竹樹
深美人長寂寞霸業總銷沈小立空臺望春風憶
鼓琴

落日下船去微風蕩碧波帆飛疾於箭帶月泊山

緯蕭草堂詩

卷三

阿漸覺梅花近時聞香氣過一尊邨舍酒徙倚聽
吳歌

太湖三萬頃遙望上漁梁一葉凌空濶千山接眇
茫松風喧急雨溪月冷鳴榔坐久回船臥梅花入
夢香

晨興扶短策數里到山窪夾道竹千箇橫門梅半
花漁洋浮翠靄梵唄出煙霞搔首空廊坐吟深日
欲斜

吾家山畔望林壑倍幽閒春雪忽爲海香風又一
灣夕陽花綽約歸路烏綿蠻不淺登臨興誰當共

往還

題尹山書小照

三杯石凍船頭坐水曲山坳一棹通好句知從眼
前得芙蓉秋色散江風

送心壁上人還開先寺次邵子湘韻

鄧尉探梅罷高僧別我歸煙江聊握手春雨細露
衣路逐青山杳帆攜白鳥飛到應三月暮猶及看
薔薇

兩度匡廬過開先未一遊飛流喧客夢清磬隱僧
樓樹密時時雨山深日日秋送師今夜裏遙憶玉

緯蕭草堂詩

卷三

潭幽

題旅壁

山郵水驛日匆忙匹馬蕭蕭又夕陽小住旗亭聊
買醉春風吹徹筍泥香

午日次颺申韻有懷周屺公朱悔人錢介維
吳志上諸君子

前年午日豫章時紅豆聯吟醉酒卮一自故人揮
手後兩逢佳節不題詩

待月

品字圍垣麋眼籬藥畦花徑晚涼時方牀堅坐邀

新月茉莉香中雪藕絲
墻角孤槐昨歲移連宵花發已垂垂呼童少翦東
偏葉恐礙團圓月上時

晚過徐昺申園亭

十里城西路來尋折芰亭寒空鳴落葉薄照射前
汀曠望情何極行吟暮未停惟當乘興去煙月泛
清冷

再過友人賞橘

曹子堂前橘今朝分外黃微風頻度葉薄日倍含
香誰事千頭種聊分數顆嘗雙江僧舍畔曾醉滿

緯蕭草堂詩

卷三

三

林霜

懷豫章北蘭寺澹公

憶作章江客幽尋到燕龕竹光三徑綠池影一牕
藍舒嘯凌高閣披襟面夕嵐何時攜老衲夜雨共
深談

鐻白

朝來負暄坐微霜驚霑急攬硯頭鏡拄頰分照
之鐻白一十六左右各八絲紛吾度卯酉倏忽四
十期戢鱗而委翅南北空奔馳咄嗟鬚髯變一白
無黑時推鏡起長笑且自傾酒卮

簡甌申

南湖水清淺杏花紅滿林聞君出行藥步履隨春
陰杖頭挂壺酒僮背負綠琴興來輒一曲彈罷還
獨對似此休暇趣頗足愜夙心我欲跨鬻角郊垌
共追尋無那塵鞅困相憶徒長吟會須偕之子湖
上聽鳴禽

宿杏花春雨邨莊有懷廬山宗上人

杏花春雨晚來晴曳杖空階步落英滿地松陰一
天月東林寺裏夜吟情

自嘲

緯蕭草堂詩

卷三

四

彈指流年已四旬星星白髮入春新東阡花事西
邨社到處開尊作主人

寄家弟威寧

記得官齋話別初蕭蕭風雨夜牕虛春來猶夢宮
亭水鴈到常思尺素書放鴨肥梅詩句好寄子詩
有東墅

肥梅雨西陂
放鴨船句藏鈎射覆酒人疎遙青園子家弟
別業子

落花

鷗邊雨外亭中坐次第看花共老農一度顛風飄
落盡始知桃李不如松

題彥高弟畫幅

吾弟貌山水頗悉山水理一掩復一重遠近丘壑
美空齋楓樹生素壁泉聲起憶昔訪厭原盡日煙
嵐裏聞鐘扣僧關吹笛偕樵子對景疑舊遊松風
猶在耳

飲友人宅

故人成久別短札昨相通邀我今朝過彈碁小閣
東土香才度雨花亞不禁風亭午渾忘暑還期醉
碧筒

西陂賞荷花

緯蕭草堂詩

卷三

五

步出城闈駕笨車綠波邨裏看芙蓉絲來小雨塵
初潤撲面清香二里餘

放鴨亭南接芰梁月明如洗露華涼拏船纔過沙
灘口又逐驚禽下柳塘

烏菱白芡滿盤盃孕子魚蝦網不孤更有西施臂

西湖
藕名

如玉西陂眞號小西湖

小艇東來溪月西田田荷葉舞風齊十番簫鼓喧
闐甚未到天明醉似泥

過友人拙存居

經年鍵戶養閒身酒具茶鐺次第陳用拙也曾題

小築辦香同奉浣花人

題梨花白燕圖

三月芳林雪壓枝一天香靄
歸時懸知軟語商量處藻井雕梁非所思

不傍天桃鬪素姿清陰滿地羽差池
梁園雪後春風暖誰和袁郎七字詩

京江旅泊有懷碌菴陔申

明月流江水蕭森落木時一燈寒夜坐千里故園
思颿影乘潮急鐘聲到耳遲金焦山色好誰與共
哦詩

緯蕭草堂詩

卷三

六

日暮登舟泊閫門外夜讀錢塘高詹事先生
歸田集因記二絕

半生落拓苦吟人小泊吳閫月色新
明發江鄉孤

棹遠幾時同踏石湖春

家大人有遊石湖之約

斜倚船牕理髻絲歸田集展夜深時漫言風雅吾

家事請看江邨驥子詩

先生寄家大人詩有過庭喜聞詩好句兩廣答風雅

歸一門朽詞何足拉句歸田集多附公令子和詩

月夜發楓橋聞吳歌

楓橋楓落江流清小艇交往如梭行
吳歌一曲來前汀篙工舵師遙相賡
攬衣起傍篷牕聽月明燭

燭霜華零我家邨
臨清冷水多魚蝦
藕芡菱時棹篋
舫招良朋狂歌弄
月煙冥冥會須歸
去問舊盟樵童爲
弟漁爲兄

寒夜寄示諸弟姪

不共韋菴話天涯
我獨遊江楓撩短
髻海鴈蕩孤舟霜
重星芒直更深月
浪收梅花春信遠
怊悵別

吳洲

與諸弟姪訂明春同赴元墓看梅

寄謝邵子湘

弭棹登沙洲天寒水清淺
遙峰變晴陰閒雲乍舒
卷佇立懷佳人中腸頓九
轉昨歲暮春時一曲楓

緯蕭草堂詩

卷三

七

橋餞小別歎經年解纜今復遠
吟君贈我篇欲和愁握管
徘徊數歸鴻昃景忽已晚
含情還孤舟篷牕聊偃蹇
得酒只自斟有詩誰共展
觸緒成短歌好用代箋簡

過露筋祠

煙色連空放溜時
湖風獵獵捲靈旗
小立船頭一延首
三更月上露筋祠

蒙陰道中

海鴈南來人北征
空林落日不勝情
驚風衝面髯冰結
獨傍蒙山腳下行

徂徠道士

我聞居人說西山有仙翁今年一百六髮白顏猶
童山中自來去芒屨行如風不復畱姓字但號徂
徠公安得九節杖扶我登高峰從師采芝朮聊步
煙霞蹤

早發泰安州

削面霜風寒赤日騰海徼立馬揩雙睛雲際瞻廟
貌氣爲岱岳吞有句不能道

寄尹山書

於越有迂叟四十已白頭江湖挂帆徧頗愛煙波

緯蕭草堂詩

卷三

八

遊與我本宿契一見情懷投論詩鄙羈紲字亦鍾
張儔平生洽杯酌遇酒不自由常憶官閣後梅放
偕吟謳掀髯矜鯨飲勢吸西江流疎狂獲勝侶擬
共栖林丘胡爲事行邁日夕奔道周臨風寄姝子
好待垂綸鈎

任丘旅壁同錢介維畱題已十七年矣甲戌
北上再過此壁字猶存感而成咏

故人曾此共吟哦粉壁畱題字未磨翦燭看來聊
一笑半生詩句路途多

趙北口

頻年江湖遊不復學走馬十日事驅馳勞勞厭原
野今朝瞻水雲冲襟忽一寫人家隄岸居風物殊
蕭灑枯柳張蝦罟小艇曬魚鮓亭午炊煙收織蓆
衡茅下迤邐出荒邨回首寒流瀉拍波羨鳧翁羽
翼何由假

冰車

昔人慎履冰今人駕冰車共愛徑路駛誰復聊躊
躇連夕風日暖去去知何如

白鷺

白鷺從空來息羽渾河水終朝不得魚獨立常自

緯蕭草堂詩

卷三

九

喜嗟哉濁流中風標有公子白鷺潛來今邈風標之公子見杜牧之晚

晴賦

雪中過劉芊白寓齋是日芊白遷侍御

論交信如水兩翁喜先予謂家喜起次升晚過高齋下清

言小雪初頻年憐薄宦此日拜除書驄馬家聲舊

休教封事疎

雪中登寓樓有懷家弟威寧

春回十日餘冷氣猶刺骨跌坐傍地爐薄紅燒楮
袖亭午風雪交布簾頻自揭衝寒上小樓恍疑立
冰窟放眼見西山積素滿林樾茫茫飛絮中獨鳥

去超忽兄弟各天涯不啻隔秦越握手杳無期悵
望客思發向夕風威微雪勢亦稍歇東方霽色開
半規露纖月明朝故人筵

劉方齋
檢討

白戰防力竭

題殷彥來歲寒吟

月映冰花潑眼明寒宵坐惜歲崢嶸吟君五字松
梅句撥觸西江嘯雪情

家大人前開府豫章於鎮
印之暇率至聯吟得詩若

干首名曰
肅雪集

移寓簡蔣京少

積雪新晴後天街正試燈卜居門愈僻引步月初
升鄉信連朝乏羈愁此夜增柳湖才咫尺選勝待

緯蕭草堂詩

卷三

十

良朋

春日寄山書

卜居遠市闌頓將塵鞅屏剝啄不到門日午夢初
醒移坐南榮前風簾過鳥影懷君罷攤書聊試綠
雪茗想見銅坑遊梅花蕩小艇

贈王石谷

海虞有散人大癡之儔匹林巒老愈工求者無虛
日頻年京華遊牀頭堆秃筆維昔客平江小閣欣
促膝風雨不暫離尊中酒常溢回憶如昨宵倏忽
歲易七君本煙霞流我亦魚鳥逸何時返故山願

隨采芝術

寄示園丁

三春忽餘二正值栽種期南園隙地多雜卉都相
宜爾無薄小桃爾無輕柳枝但得勤爾力樹大自
有時昨聞園內亭歲久將傾敲賴此蔽風雨須蚤
補葺之亭前薔薇架亦當加扶持我髮已種種安
能常拘羈歸去在四月猶及聽黃鸝

喜晤盤山拙公

我昔尋師盤山麓三月欲盡春花浮我今逢師長
安陌二月已半春風柔師住山中理山志而我南

緯蕭草堂詩

卷三

十一

北恒淹留每逢方外輒問訊但少佳句將綢繆遙
想青溝真清絕秩秩泉水淙淙流更有萬本老松
樹月明風動濤聲幽似此勝地不長往塵土滿面
殊增羞計日豆苗盤山菜名當漸茁擷芳好向煙嵐遊
清明前一日大雪簡京少

二月已將闌猶作長安客明日是清明酒榼紛郊
陌晚風忽弄寒大雪深一尺春亦妒遊人未許杏
花坼

柳湖柳眼青萱芽亦漸長我欲攜琴尊邀君共幽
賞何意風雪交不使聯步往卻喜絕飛塵吟情差

蕭爽

題友人放鶴小照

西泠山水佳禽魚日蕩漾一琴一壺酒閒行憩石
上極目南北峰花落春流漲放鶴學林逋千秋緬
高尚鶴去不必來來亦不須放

邀李牟山夜酌

月浪衝天街雨後宜坦步伊人巷北居相思一往
顧才逢罷晚餐裴回庭前樹羈緒知應多邀過話
情慄燒春百錢沽蔬筍亦麤具清言半莊騷瑣細
及農圃宿習笑未除更闌競屬句推樽延墨卿高

緯蕭草堂詩

卷三

十三

槐泫涼露

夏日同蔣京少殷彥來蔣靜山侍阮亭先生

棗林寺茶話卽事二首

西城風物幽一路牛青翠馬首香氣生忽到棗林
寺入門撫古槐披衣納涼吹先生耽雅游朝罷亦
早至丈室總蕭閒僧雛殊解事茶瓜供清言羣從
幸趨侍儼如老頭陀高坐拈花示田公休沐時曾
此停遊騎屬句鎮山門帶惜歸酒肆

少司寇綸霞先生遊棗林

寺詩吾帶昨宵歸酒肆且畱詩句在山門

風流兩侍郎千秋擅高寄

夕陽下西山返照映修竹東風殿角來一一搖嫩

綠散步階除前殘碑取次讀老衲雪愛良辰畱客
倍款曲贈我鋤雲吟森森笋一束佇立懷同心王謂

亭暢
送蔣京少歸宜興

蔣生我畏友長安連舍居一官未到手需次十載
餘忽動季鷹興駕言歸故廬朋尊春明道緩酌停
行車君家荆溪上到處堪樂且平章風與月勾當
樵與漁功名正不淺那復長歎歔伊予苦塵絡歸
夢無日除空羨鼓短棹緣溪弄芙蓉

憶西陂

緯蕭草堂詩

卷三

三

放鳴亭前水秋來幾許深常時乘夜月獨往撫鳴
琴風物經年別羈愁薄暮侵藕花行欲盡何日得
幽尋

食江鱔柱

二月河豚出網時蘆芽荻笋味偏宜今朝又食江
鱔柱一倍相思是荔支東坡嘗謂荔支厚味高格
兩絕果中無比惟江鱔柱

河豚魚
近之

出春明門望西山

十月塵埋頭出門得野趣西山送遙青秋色滿歸
路憶昔偕錢郎介維連日山中住望望白雲封不見

舊吟處

良鄉道中

燕市今朝別誰憐
失意人垂鞭信羸馬
側帽望秋旻
木葉吟風急嵐光度
雨新蕭蕭歸路遠
落日倍酸辛

舊縣

吾山轟轟風凜凜
懸林紅柿爛如錦
貪看秋色不計程
頓住茅檐沽酒飲
三杯到手顏早酡
折腳木牀聊就寢
羈情詩思苦糾纏
山頭明月侵孤枕

渡黃河

緯蕭草堂詩

卷三

十四

黃河西北來濁浪大於屋
早騎禿尾驢衝寒到河
曲篙師招登舟張帆去
何速兩耳滿風聲危坐駭
心目僮僕三五人
股慄項復縮齋念邈平生
不至葬魚腹世路概如斯
波濤日相逐詎如老荒邨
長歌驅黃犢

西陂

路入西陂水氣清
村旁十里棹歌聲
牛當楊葉風前臥
魚向蘋花香裏行
白酒黃鷄都可意
朝煙暮靄總關情
蕭閒籬落無人到
好伴溪翁過此生

芋圃

豆葉已半黃
莎雞聲在宇
村原趣不稀
處處足秋雨
我提一甌酒
落日來芋圃
南隣放鴨翁
偶過成賓主
偃仰晚風前
高林響樵斧

夜過臨淮

高柳帶殘月
秋原禾黍香
香停鞭纔喚
渡鴈影落衣裳

望滁州西南諸峰

重陽節近朔
風起野菊開
徧山趾連日
黃茅坡裏行
瞥見青峰倍
可喜馬首東
來高復低
馱鈴前後紛
聒耳何當重
尋庶子泉一
曲坐弄源頭水

緯蕭草堂詩

卷三

十五

宿滁陽聞琴聲

滁山簇簇爭迴合
滁水粼粼自淺深
石老雲荒人去久
只今誰鼓醉翁吟

抵揚州

波浪不動水如油
一望平山宿雨收
雙艖輕搖人臥穩
日高三尺到揚州

月夜坐惠泉

第二泉頭月流光
滿客衣寒煙接茶社
清磬出僧扉
鬢髮經秋改
湖山畱句稀
只因一杯水
徒倚頓忘歸

遊天平山四首

白雲泉

何來一綫泉流在白雲裏山空日影低泉靜雲容
委想見洗鉢僧夜深弄寒水

蓮花洞

山腹路轉幽彌愛蓮花洞護門千竿竹疎密綠石
縫小憩拓綠牕孤鳥時一啣

大小二石屋

蓮花洞之旁大小二石屋豁窻竇深黑彳亍趾屢
縮天畱室半閒夜夜孤雲宿

緯蕭草堂詩

卷三

十六

望湖鏡

破鏡飛上天落在山之阿太湖三萬頃涵影無遮
羅望望山月吐寒光鎮相磨

滄浪亭

滄浪之水清且幽孤亭已廢餘荒丘老樹兩株各
逾抱橫空擎攫如龍蚪蘇子吟魂喚不起題襟無
復歐梅儔大人移節到吳苑瞥眼早過三春秋城
南一曲耽僻絕荒溝野水和煙流其旁古寺纔咫
尺晨夕鐘鼓驚眠鷗縛亭疊石依舊趾翳以叢竹
添方舟爲政心閒脫官樣招攜上客同遨遊伊予

追隨賦長句酒闌日落風颭颭倚檻濯纓不覺夜
一丸涼月天東頭

過吳孟舉黃葉村莊

一夜西風急村中黃葉飛幽人閒倚杖蕭瑟對斜
暉小泊初過訪清言趣不稀淥波村名家無恙在我
亦戀漁磯

日暮泛舟西湖登放鶴亭

步出城西門湖山已在目南北兩高峰插天翠如
沐倒影射湖中波光涵新綠一櫂向孤亭千秋緬
高躅恍疑處士鶴飛下山頭宿

緯蕭草堂詩

卷三

十七

訪吳志上湖市卽用見贈原韻

訪舊西泠曲楓林紅欲然孤燈兼短髻相見也相
憐鶴思依霞外鷗情付水邊明朝連袂去一問五
湖船

別西湖

湧金門外水粼粼買得扁舟趁小春今夜西泠橋
上望一湖煙月送歸人

憶西湖

一日湖頭一往還籃輿畫舫總蕭閒月明此夕停
舟處夢繞雨峰三竺間

晚泊鴛湖懷朱十文盛

停橈當落日驚起野鴛鴦飛向東南去悠悠水一方
懷人此良夜對月感他鄉望裏郵亭近呼童覓
酒嘗

平望卽事

鶯脰湖邊水氣涼銀魚出網白於霜百錢買得筠
籠貯好共塘棲蜜橘嘗

舟次松陵

向夕征帆駛吳江入望新霜林聲瑟瑟野水碧粼
粼風物驚遊子湖山待散人垂虹何處是煙火認

緯蕭草堂詩

卷三

六

通津

題畫

江上楓初落漁舟款乃還迷濛煙樹裏獨客叩柴
關

羅浮竹葉符

客從羅浮山中來遺我竹葉何奇絕澗不盈寸長
於手符文一如印文折尺蠖蟠軀蟻拖尾大小二
篆未足埒仙人狡獪亦偶爾靈迹至今不磨滅理
雖荒唐事或然古來詭異紛難說君不見達摩面
壁石畱形湘妃灑淚竹染血

臘月十六夜虎丘看月有懷故園諸兄弟

歲云暮矣風日溫瓶梅花放清心魂端坐忽憶武
丘月乘興夜往敲僧門到時皓魄已當午一丸剛
照悟石軒樹影滿地鐘聲歇天邊雲散無纖痕茶
煙裊裊風細細迴廊曲檻依山根清泉一酌愜微
尚況有佳醞盈壺尊或謂此地中秋夜紅牙爭按
華燈繁人生幽賞正不爾絲竹雖好猶嫌喧今夕
之樂樂無極紛紛俗子寧堪論憑誰圖我翫月句
千里寄似諸弟暵

喜晤顧十一俠君兼送入都

緯蕭草堂詩

卷三

十九

美爾佳公子東吳顧阿瑛官齋今日話尊酒古人
情池上看新綠林閒眺晚晴貽予詩選好端不媿

鍾嶸

俠君有
元詩選

高人忽言別明發向長安客路風初暖征帆日欲
殘山花開北固春水漲桑乾到處堪吟寄題襟興
詎闌

懷俠君

積雨喜乍晴拂面春風冷池漲綠痕勻空亭蕩水
影青山落日低想見泊孤艇

題高澹游畫冊二首

寺門一抹紅蒼松三五里山僧何處歸門前打松
子

楮衣蓆帽檐前立拖得枯藤面夕陽想見吟成招
隱句秋風獵獵稻花香

小滄浪卽事簡子湘

小滄浪畔綠陰遮曲曲欄干照水斜連日每邀文
士燕一枝初放故園花詩情未屬吟常廢酒興原
豪病亦賒何事髯翁髯盡白經時閉戶註蟲蝦

秋柳

客路青青異昔時官橋野渡半離披蟬聲咽斷遊

緯蕭草堂詩

卷三

二十

人遠盡日西風舞向誰

村原雨過挂牛衣寂歷柴門漾夕暉最是行吟樹
深處天寒時見一鴉歸

垂垂沙岸自東西如線如絲影漸低試向隋家隄
上望曉風殘月總淒迷

我家芋圃門前路擎雨籠煙樹兩行料得長條今
踈地主人別後也蒼涼

重九後二日次升弟邀同西曹諸公城南小

酌

官閒誰信有西曹野寺招遊醉蟹螯畱與他時作

佳話重陽已過補登高

籬豆秋風向晚涼一尊花底共相羊恍疑放鴨亭
前坐祇少池塘荷芰香

題畫

屋上白雲封堦下流泉急柴扉靜不關松風自出
入世閒無閒人阿誰解寒拾

淥波村裏水齊天常向橋頭鎮日眠輸爾溪翁塵
意斷經年不下釣魚船

萬仞寒山插碧空利竿立處粉牆紅蘆汀密雪清

詩思料得微吟是惠崇

宋詩僧惠崇畫
有蘆汀密雪卷

緯蕭草堂詩

卷三

三

題禹慎齋折枝綠牡丹圖

一枝濃豔那堪憐不向清平調裏傳占斷房山好
春色繇來萼綠是神僊

幻出崔徐富貴圖官黃院紫未爲殊鴨頭春水闌
干曲照取花枝影欲無

王阮亭先生招同張漢瞻馮文子周策銘方
拱樞殷彥來顧俠君蔣靜山寓齋讌集賦此

畱別

半載容燕市如馬靴四蹠兼之銜在口不教得長
嘶連宵動歸夢決計尋幽栖新城王夫子置酒憐

分攜招邀盡吾黨磊落謝吟哇清言入良夜膈膊
鳴鄰雞天意欲釀雪涼氣來牕西密坐憶六出重

鬪歲寒題

曩飲先生齋中與姜西溟諸君分賦雪事

題顧俠君小秀埜

城隅僻絕足栖遲風物江南繫客思垂柳更添三
兩樹草堂也似我西陂

小住長安日閉關吟深不覺旅愁刪推牕偏坐西
南望辨出層層采采山

連宵雨過逢初霽蕉葉藤梢一色新掃地焚香纔
靜坐敲門恰好到詩人

緯蕭草堂詩

卷三

三

吳閭使院共相羊開落梅花春晝長今日吟君詩
卷好卻教客夢付滄浪

使院有小滄浪

匏樽

匏樽始古人賓筵近盛作體質輕而圓有如截卵
殼中外渾鵝黃貯酒頗不惡霑唇詎畏熟入手恒
疑脫叶漫說玉錮鏤誰羨銀鑿落賤之委籬根愛
之登官閣制器鄙淫巧猶喜畱淳朴况與野人宜
正好伴藜藿安得清若空常藉此杯酌

日出

日出吾山背寒空幻青紫木末橫疎煙馬蹏踟流

水樵唱前村來林鴉忽驚起

遊焦山

雪峰出蕭寺望望水中央一櫂澄江闊空山落日
蒼海雲飄石磴嵐氣入僧房處士高風在懷人意
渺茫

示內

廿年燈火伴辛勤失意何堪話夜分風雪飄蕭一
杯酒君兒憐我我憐君

雨中同靳熊封過滄浪亭步家大人韻二首
客問滄浪勝相將過北碕林光初度雨水氣欲侵

繡蕭草堂詩

卷三

二十三

衣失卻青山色條然白鷺飛最憐新插柳春淺蚤
依依

步向亭南望人傳梅氏園風流總消歇覽眺自琴
尊野寺昏鐘發清溪急雨喧願言停短櫂花事訪
郊原

春日池上作

春寒梅未舒乖此驚蟄節池上獸徘徊東風何飄
瞥險鴨闖游魚斷續聞百舌官齋有餘清一卷足
怡悅計日潭東西空山臥香雪

買書

自分生涯逐蠹魚，畏人止合就閒居。
妻孥笑我迂疎甚，元日街頭先買書。

觀梅

種得梅三樹，花時到故人。
溟濛連夜雨，疎密一林春。
鄉國經年別，琴尊此日親。
遙知元墓路，香雪點衣巾。

友人菜圃草堂成，予題爲當山。
蓋取陳后山城荒可當山句也。
連日出遊，得斷句四首。

草堂門外水雲空，柳眼才青杏臉紅。
多少閒愁渾不耐，連朝消遣馬蹏中。

緝蕭草堂詩

卷三

三四

過耳東風似剪刀，春衫搖曳帽簷高。
一尊移向堂前望，泝北垞南響桔槔。

社燕飛飛喜乍還，女麇高處一追攀。
天然佳句君知否，真箇城荒可當山。

春光二月太崢嶸，酒醖鶯花是舊盟。
明日重扶殘醉去，澗丘丘上放風箏。

欲過颺申折芟亭先此代柬

無復忘憂館，憂從何處忘。
愛君亭子好，風日足相羊。
臥柳侵山逕，飛花覆石牀。
平生文字飲，端不厭疎狂。

讀史九首

樊噲

陷陣功高久見親，娶須何意致焚身。
君王若果緣諸呂，枉殺椎埋屠狗人。

王嘉

吏問賢奸達紫宸，詔書還後總悲辛。
殷勤拜謁勞丞相，新甫應慙不識人。

孔光

諂佞易成風，太師致之耳。四十八萬人，詎必皆無恥。

緯蕭草堂詩

卷三

三五

蔡邕

曠世才名也自豪，三臺周歷太勤勞。
不緣收繫來廷尉，誰信申屠卻聘高。

卞壺

典午崇清談，言語妙天下。視彼憂世人，謬謂含石瓦。
誰知死青溪，還推鄙吝者。

檀道濟

誰解量沙夜唱籌，斯人一去魏無憂。
目光如炬猶銜恨，頓見君王上石頭。

柳泌

合得長生藥幾九天台芝草卽金丹自從司戶崖
州去方士何曾拜一官

馮道

與世浮沈長樂老幾迴榮遇在朝班同時不乏荆
臺隱地下相逢也厚顏

高宗

不復含羞憶靖康臨安山水耐勾當宮中小築西
湖好省卻先朝花石綱

雨過郊遊

郊遊多阻雨雨過卽郊遊葉葉春雲薄村村花氣
緯蕭草堂詩

卷三

三六

浮杖頭常挂酒水際一登舟東圃西陂路逍遙狎
野鷗

又雨

一片濃陰喜漸開庭前庭後長莓苔安排酒榼徐
園去食葉蠶聲雨又來

同碌菴外兄過予東園卽次原韻

邨原日暖潤青莎款我柴關共爾過落落長松疑
帶雨彎彎小徑似旋螺蜂兒聲促晴光轉杏子花
依風力和領取田園清况去端知佳句夜吟多

西湄泛舟歌

涼風吹雨還吹晴西湄水漲鼉出鳴聞道小艇才
買就乘興競往扳魚罾梢子篙工各解事左撐右
拏無畱停放溜歛已達城角日光射水何晶瑩波
如玻黎舟如葉獻師團聚如麀兵鮮鱗尺半舉網
得潑刺齊向船頭橫銀絲斫鱸頗不惡况復蘆荻
新抽萌季也長歌予呼酒狂來那知衆眼驚憶昔
釀飲歲在丑南湖初到江南僧每逢令節邀鼓棹
往往漏下當三更笈簪帶腰露濡首鐘聲遠寺聞
星星年光隨手不少待追維前事悲填膺舍舟跨
馬踏歸路煙波無際煙月生

緯蕭草堂詩

卷三

三七

立夏前一日友人招過北郊看藤花

長條如線漾晴空紫蝶繽紛西復東此日同君花
下坐解醒不獨借春風
紛紅駭綠都看過又爲藤花到北郊可惜春風牽
不住枉將千尺絡松梢

過文雅臺

梁苑風流歇空餘文雅臺花時連步履雨過長莓
苔小麥翻輕浪穠陰借古槐蕭間一杯酒不獨憶
鄒枚

家大人以韋菴近詩寄示敬賦四首

畫戟凝香似左司十年宦况復誰知尋僧選勝歸
衙晚料得聯吟憶虎兒

散卻文書上酒船西城煙水日雷連一槭冰雪封
題寄半是看山讀書篇

文采風流亦窩叟湘比肩子厚語非誇汪鈍翁先生謂子湘

文章可邀他屬和遊山句月滿清溪看藕花

鶴山舊院足徜徉亞字欄干水一方何日還逢清

興發安排筆硯對滄浪家大人有恰值新年發興時句

鑿池

綠竹搖牕虛書堂淨如洗睡起一鈎簾清陰停隼

緯蕭草堂詩

卷三

二十八

几不少江湖心鑿池養魚婢

喜晤鄭石廊前輩兼示碌菴爬申

谷熟名村谷不熟先生被饑驅西出依故舊榻下睢

水隅今年七十一禎面而白鬢吐屬期大雅羞澀

薄世儒曰維雪園士侯賈誠顧厨文章有虛直蔚山

亦足雄操觚誰爲後來者其在汝輩乎慎毋自棄

置坐使風雅孤媿我牛馬走學殖全荒蕪聞言頓

若失不覺長嘆吁願以先生語徧示應劉徒

家大人寄示龍井茶倡和詩依韻敬賦

經旬病酒苦肺熱頗思啜茗當山巖日鑄半甌聊

止渴隔年香味惜不兼昨者蠻賤來吳會字帶龍
井之煙嵐曰高江邨饒茶癖筠籠小摘周林岳雨
前雨後分甲乙旗槍烘焙於親拈長於雀舌細於
粒霏霏玉屑何尖纖筍綳包束快持贈爰博酬倡
詩篇三盤空硬句得未有風韻與旂還相參遠道
莫能惠煎淪屬和箭急催中男遙憶芳餽春暮
牡丹花正開韋卷一吟一嗅總清絕舉頭明月凝
湘簾佳品固應共佳客左攜短李百藥右邵穎湘子梁
溪水遞不少缺膩白如乳盈瓶甌蟹眼纔過松濤
起瓦鑪活火須頻添六安梅片豈娣似敬亭綠雪

緯蕭草堂詩

卷三

三九

同封緘卻笑古人非知味或春或碾勞窮簷龍團
鳳餅失本性况復猥瑣加薑鹽我昔袂鞋踏靈隱
咫尺龍井未獲探坡老辨才化已久誰識此種清
而甘讀詩疑茶霑齒頰今宵幽夢縈江南

良宵獨坐

繩牀竹几趁良宵激盪斟來酒一瓢賦罷新詩閒
矯首月明風動落凌霄

題彥高弟畫秋葵雜卉

籬邊秋色漸紛紛披葉染猩紅鴈到時瞥見美人新
浴後淡黃衫子立涼颺

題烏目山人畫

鴈以魚汀委宛通長橋短約各西東一天明月松
濤冷獨立灘頭理釣筒

書室初成有懷青門翁子湘兼贈李百藥

人生得好友有如得匹配百藥我同行青門我前
輩襟期各適上落筆矜奮銳或握切玉刀無堅之
不碎或負陷陣勇無壘之不潰譬則三河士搨彼
幽燕隊我葺室兩閒前與滄浪對屋角樹叢篁間
之以雜卉蒲墩竹茶鑪位置風簾界中頗蓄圖史
稗說亦少備庶幾共晨夕藉以開荒昧髯忽抱疴
歸經時缺良會榻縣待幽人不假俗客寐昨朝有
書來曰爲肺氣累近始服芝朮幸不至狼狽聯牀
赴夙約期在此月內手持寄我書獨立闌干外悵
悵不勝情斜陽閃鴉背

滄浪亭與心壁上人話舊時來自滇中以歸

雲草見示

一曲滄浪水澄流自古今高僧同倚杖勝地此開
襟孤堦寒空迥修篁落照深歸雲雲外路清絕道

人心

家大人以文休承所作定園禪定圖贈心壁

上人附題二絕句

開先長老開先去，榔櫪橫肩問水程。
解識定園禪，定意鶴鳴峰上月初明。

東林門外水聲寒，礧竹巖雲我舊看。
此身只合隨圖卷，大事無須叩懶殘。

題石谷還山圖

烏目王山人畫筆，今子久騎牛何處歸。
月挂江邨柳，

叉手望江南，長嘯秋風起。借問先生牛，可飲洗耳水。

緯蕭直堂詩

卷三

三十一

送百藥返高郵

君家湖水上，茅屋倚淪漣。不淺觀魚興，時還抱醉眠。
素心鷗是友，生計硯爲田。何日抽身去，同拏放鴨船。

香巖寺訪紺池上人步家大人原韻

聞道香巖境，梅林欲著花。衝寒騎馬去，入寺野雲遮。
煨芋畱殘火，呼童旋煮茶。平生微尙意，端只愛煙霞。

九九西堂老年來，此問禪畫圖。相對處風味，總蕭

然。寺有尤悔菴先生及紺池師談禪照先生自號九九老人小院流清磬，虛牕

晉晚煙支公殊好我臨別促新篇

後園探梅

述鹿軒前日影移莎平草輒步遲遲一犁春雨初
晴候正是梅花得意時

贈青門翁兼簡俠君

文章有師承交游有儔類黃鐘與瓦缶洪纖不同
器嵩華與培塿崇庫不同視卓哉青門翁曰推風
雅帥顧以予父交猥及賤子至官閣八載畱晨夕
容問字有時張文燕操簡喜從事譬則曹鄴君謬
列齊盟位予詩舊疲茶與時鬪嫵媚近始一刊落

緯蕭草堂詩

卷二

三十一

實拜翁之賜感翁愛我深勸我學傳記麓稿日在
手未探先生祕惟嘆腐史潔惟嘆蒙莊肆高步凌
歸唐再拔韓歐幟巋然三家鈔願言廣爲四庶幾
語虎頭努力同鼓吹

登華山蓮子峰頂

華山山之幽茲峰尤奇絕信如秋氣清蓮老子乍
結插空自何年不受天風折

東風送晴雲來自石湖東天際一舒卷化作千萬

峰惟有蓮花

亦華山
峰名

好終古青濛濛

空山日忽低欲去還徙倚煙嵐眼底生不盡西南

美七十二青峰半落太湖水

清明前一日同馮山公小滄浪晚酌

春色堂堂三月期旗門靜掩已多時花飛簾幕渾
疑雪水漲滄浪欲滿池暮雨清燈寒食話分畦鋤
藥故園思明朝到處攀楊柳又博先生一首詩

玉蘭花瓣蒸食之香味最佳欣然有作

禁火官廚愁寂寂辛夷花發得新嘗春來蚤賦餐
英句嗅去微同蒸朮香何意堆盤誇玉屑卻教把
酸憶冰漿空山滿樹開還落未必山人解作糧

食刀鱗魚簡山公

律蕭草堂詩

卷三

三十三

春風三月蕪蒿長鮮鯊驚聞上市初柳線斜穿冰
刃滑銅盤小貯雪花虛河豚已過誰堪竝石首同
誇似不如彈鋏先生應一笑今朝免唱食無魚

哥窯蟹書滴

西陂書滴誇哥窰形如蝓蚌畱匡郭冰紋參錯玉
粟溫入手流脂防脫落小於花澆等花囊雪水剛
可容三勺頗疑橫行觸天怒帝令剝腹甘泉淪又
疑鬪虎不得意收拾雙螯拳入腳終朝几案貯清
冷但少爬沙聲郭索搦管城時恍輸芒磨隄麋處
驚吐沫叶廣川玉蟾或妄耳此不辟邪能辟瘧

峨眉五色放光石

白日當天中燭火無餘光胡爲方寸石映日舒文
章青紅間藍綠土色居中央恍如卷虹霓流影縈
空堂或謂女媧氏鍊石補穹蒼石多用未盡揮擲
峨眉旁至今千萬年五色騰煒煌好事者爲之其
說恐荒唐君子不語怪物蘄精詳陰陽互感召
理不遺纖芒滄海珠有淚月出恒相望事殊理則
一二五各有常自古抱文采欲斂而彌彰有如玉
韞璞有如錐處囊不見李與杜光燄萬丈長

永樂席帽盃

繼蕭草堂詩

卷三

三十四

近代窯器首成化盆草蝴蝶雞缸亞高士

亦成窯
林名

尤誇品格高薦入朱門不惜價誰知永樂窯更工

膩白如紙驚玲瓏腹中暗花隱復見一捧冰雪清
心曾我有嘉賓出侑酌琥珀光搖良不惡好當筭
笠贈山人九日風高防吹落

登吳山望錢唐江

不淺登臨興春煙喜乍收山川總佳麗竹樹亦清
幽紅寺隨峰轉青尊盡日畱只今吳越恨同作一
江流

舟次述懷

越角吳根水一方頻年景物飽江鄉塘棲蜜橘紅
於火平望銀魚白似霜藤杖棕輦行處好風泉雲
壑日相望移家我欲東南老半畝牛宮願已償

河南牡丹和青門作

效六一東坡咏雪詩體限不使花王貴客國色

天香百寶欄沈香亭等字及姚黃魏紫彩霞錦袍一捻紅潛溪緋金樓玉盤諸花名

我家牡丹大如斗焦白支紅非世有邇來幻出御
衣黃玻瓈杯捧鵝兒酒城北池館百本羸五雲平
鋪花枝紐布幕周遭謹護防風風雨雨園丁守品
題香色歷郊垆醕酌誰復計卯酉昨歲輦致來江
南種向雕欄籠高柳數株分植滄浪亭花時遠近
爭奔走虎丘玉蘭不能春拙政山茶豈其友今歲
花開似較遲吟情振觸青門叟安得風流李昊才
金鳳詩成贈某某

月夜看牡丹

名花拂檻影婆娑露濕空堦月色多正是更闌人

醉後東風欲度一聲歌

溫飛卿牡丹詩正繁疑有一聲歌

緯蕭草堂詩卷三終

